



89519

聽松濤館詩鈔卷四目錄

鴻泥集下

將入燕都自嘲

晨渡九江

江州雜詩 八首

過黃梅

宿松道中

望灤山

雨宿呂亭驛

樅陽弔古 四首

左忠毅公 光斗 祠

龍眠山

周公瑾墓

文翁里

羹頡侯塚

包孝肅祠

廬江小吏妻

箏笛浦

守濡須 二首

浮槎山 二首

藕塘鎮

虞姬墓



四九

聽松濤館詩鈔卷四

鴻泥集下目錄

西楚霸王廟

紅心驛

過臨淮

濠水

鳳陽

滁陽王郭子興廟

過王莊驛

宿固鎮驛

宿州

符離弔古 二一首

扣角歌過甯戚塚作

五十五

聽松濤館詩鈔卷四

鴻泥集下目錄

一一

徐州 四首

偕友人登黃樓用東坡九日黃樓韻

燕子樓

憶舍弟和子由逍遙堂韻 二一首

范增墓

縛虎行

華陀墓 二一首

王陵母墓

渡黃河 二一首

滕縣

滕文公廟

狐駱山

孟廟 三十六韻

嶧山碑

弔荀卿

贈汶上歌者玉英 四首

兗州弔王彥章

大風落帽戲歐陽蘭谷

東平道中口占

東平王蒼

冉伯牛墓

過東阿詢張良得黃石處

子辛九

聽松濤館詩鈔卷四

鴻泥集下目錄

三

謝御人

陳思王墓

魚山

三歸臺

荏平以荏山得名地平土沃古稱其俗好稼穡務

蠶織質直懷義有古風烈亦東昌之勝區也然

善歌俗變絲駒數錢日忙姪女淫靡之風有自

來矣車中無事因取魯列女四人以箴其俗將

俟諸采風者

無鹽女

秋胡婦

漆室女

義姑

宿馬莊館

高唐州馬頰河故道

弔古戰場

反李白懷仙歌

華歆

高雞泊

蘇祿國王墓

過景州

投宿

廣川鎮

弔條侯周亞夫

劉智社行

漫河店

劉麟河

苻融壘

滹沱河

河間獻王墓

高適

夜聽琵琶有感

河間諺二首

丁巳

聽松濤館詩鈔卷四

鴻泥集下目錄

四

任邱道中

瓦橋關

白溝河弔古

易水 二首

詠樂毅

樓桑村

洗馬潭

次琉璃河

盧溝橋

擬西北有高樓

擬庭中有奇樹

五九

聽松濤館詩鈔卷四

鴻泥集下目錄

五

祭信國祠

偕周大

夢巖

張大

覃九

移寓觀音寺

與夢巖覃九約課戲以詩代言

食蘑菇

寄里中諸友 二首

高麗人謾歌

唐花

餐蒸餅示家升甫編脩

翰林院劉井柯亭 二首

翰林院古槐歌

洗象行

輦下曲 二十首

題南宋高宗畫扇摹本 二首

觀劇 四首

壽大司農潘芝軒師五十 八首

眼鏡

哭楊小滄孝廉

燕臺雜詠 六首

宮人斜

題友人怡樓圖 二首

下第 二首

劉葆初同年春闈報罷卽賃車出都留之不可葢

丁未

聽松濤館詩鈔卷四

鴻泥集下目錄

六

歸以養母也因送以詩 二首

石鼓歌 附辨

送王霞九編脩典試粵西

朔方健兒射獵歌

宮中夜寒曲

悲落葉

聽鐘鳴

題唐子畏畫韓熙載夜宴圖

偕仲寅出都別同人 二首

堯母陵

定州慕容垂墓

常山哀

過樂武子墓

殺虎林

柏人城

趙州分詠古人得啖主簿助

邢臺道中避雨光武廟傍廟半燬落

豫讓橋

元太保劉秉忠里

過邯鄲

邯鄲宮弔趙王如意齊主高緯一首

叢臺二首

四十九

聽松濤館詩鈔卷四

鴻泥集下目錄

七

弔平原二首

曹操疑塚二首

河伯娶婦謠

韓忠獻王琦宅

鄴城弔古四首

曹魏

後趙

前燕

東魏

扁鵲墓戲作

湯陰弔岳武穆四首

箕子廟 十四韻

遮馬陂

蔡邕斷碑

汴隄行

艮嶽

陳橋驛

官渡

汴故宮 七首

遊相國寺戲成

過羅山宿藍孝廉書齋索句爲贈卽席成二絕嫌

意未盡再成長篇

又十一

聽松濤館詩鈔卷四

鴻泥集下目錄

八

漢口別仲寅 二首

黃鶴樓

鸚鵡洲弔禰衡

遇蕭標艇張覃九同舟水涸舟狹風勁日驕守候

津泊輒八九日熱氣熏蒸甚不能耐兼有絕糧

之厄強催舟子日行十餘里悶極賦以自遣

擣衣曲

老馬

老牛

老羊

老犬

老驢

老駝

老象

老鹿

老猴

老貓

倦繡篇

梳鬟歌

悼巫雲

四首

常山舟夜醉吟

江山船曲

二首

子陵釣臺

鳳凰山懷古

蘇堤春曉歌

南屏晚鐘

參寥泉

孤山林逋宅

六和塔

月夜觀潮

葛嶺

二首

錢武肅王祠

湖上弔韓蘄王

岳墳檜樹

西湖雜詠 十首

書小青傳後

館娃宮

胥門 二首

楓橋

梁鴻墓

木蘭堂

京口漫興 三首

過揚子江

金山

弔古

寄題文選樓

弔昭明太子

巒社湖夜月

露筋祠

淮陰釣臺

淮浦曉發

河間弔公孫瓚

北道曉行 二首

鴻泥集下

將入燕都自嘲

燕都名士多于鯽無端促上劉蕡策累人徹夜不得眠
簡閱衣裳理冠幘連年奔走字皆逃忘却當時兔園冊
寸鐵不持白戰誇納卷都堂恐曳白旁人艷說新郎君
快意功名領髭摘豈知忙過槐花黃書似良朋千里隔
畫眉深淺憑誰問鄰女時妝作准格偶覩無人俯水窺
掃黛塗黃廣盈額佛腳可抱姑出門馬上溫書亦一適

晨渡九江

聽松濤館詩鈔卷四

鴻泥集下

一

茅店雞聲促曉裝輕舟單槳過潯陽九天陰晦攻魚塞
晉吳隸為魚塞於雲湖有大魚作人語隸云晚有大魚
攻魚塞切勿殺為幸隸許之須臾有大魚率羣魚至隸
同侶誤殺之是日大風晦冥魚飛上木 百里靈風助馬
當集渚斜鴉團作陣迷雲斷雁續成行迴頭試望溢城
角跋扈風箏一綫強

江州雜詩八首

湘漢東來欲併馳宮亭北接又分支三江襟帶嚴關鎖

六代干戈覆局碁鷗母眠沙黃橘暇博陽川經黃橘暇
至烏石門合廬山

河鷺兒啞藻白家池在府治西白居易
鑿以養魚今仍名 眼前風景應如

昔獨對廬山自詠詩

九江封號擁淮疆功冠諸侯最鷺強販盜有時還竊地

黥囚何幸亦稱王韓彭就醢生如貫楚漢徵兵事欠商
不待馳車仇告變悔心先伏謁龍牀

謗議紛騰外鎮求元規持節刺江州生慚負乘緣椒掖

險被迴戈指石頭慷慨夷吾塵舉扇婆娑老子月登樓

安排君輩宜高閣坐嘯胡牀與最優

陝樓下有舒嘯堂亦庾亮所建

才氣縱橫敵萬夫忌他難御猝相圖長城已壞還私賀
邊寇方深始悔誅誤在置棋聽別立寃舍脫幘叫無辜
符鳩自唱秣陵女似爲遺言怨寄奴

二子門生昇竹籟匡山日對且高眠折腰原借督郵去
申腳難爲刺史前稊畝公私彭澤種松廬甲子義熙年
虎溪三笑成圖畫到社攢眉避更賢

四

聽松濤館詩鈔卷四

鴻泥集下

二

五架香爐峯下屋名花爲國酒爲家重陽四度鬚眉老
三女遲生嫁娶賒紅粉成灰鬻駱馬青衫搵淚聽琵琶
屏風寫遍微之句湓上通州各一涯

十二金牌出禁除倉皇返旆戰功虛早知克敵招陰怨
悔不終喪乞遂初

岳飛母墓在廬山下

長舌何仇愁縱虎雄心未

了讓騎驢當年豈少全身智獨念精忠賜手書

桑落洲前石減鱗大堤沙路淨無塵關河迢遞交鄰界
山水蒼茫對古人身似小姑終不嫁面如五老尙存真
摩消髀肉誠何爲草色依依送碧輪

過黃梅

破額山前宿靄消平蕪新草繞裙腰鶯黃院掛絲千縷

鴨綠堤圍帶一條脩綆鳴轡同井汲濕薪肩擔入城樵
蹇驢嘶躍人慵困村店聲聲婆餅焦

宿松道中

沒車泥一尺宿雨曉晴初過店浮糟蟻來船問鱖魚盤
跌高借橐遮眼眩生書肉斷花豬味春盤點萑苴

望灤山

我昔衡嶽騎鯨鼇俯視一切如奴曹紫蓋朱陵紛在眼
誓言四十廬結茅後遇匡山又思住東宿西食心徒勞
三日溢城堊一面胸中並峙衡廬高乾坤許大眼何窄
萬丈灤霍車前遭譬如春秋執牛耳吳楚大國爭雄豪
百里羣峯爲附屬各隨向背紛奔逃漢武登封配朱鳥

三

聽松濤館詩鈔卷四

鴻泥集下

三

賫焚珪帛刑牲牢盛唐作歌浮艦下銘功頌德馳枚臯
齋宮冷落二千載望祭還移祝融標人生遭逢各有會
山亦隨運權難操爲問四鑊今安在料與山僧承霽槽
惜余驅馬向遠道無暇跨陟雲禽翺迴頭每望山蒼鬱
快如疥痒人爬搔

兩宿呂亭驛

桐鄉淳厚地向晚一輪經祠已荒朱邑郵還記呂亭敲
冰聲過瓦瀉玉值添瓶詩草挑燈削垂頭僕觸屏

樅陽弔古四首

太一甘泉夜祀郊舳艫南幸狎洪濤邊書露捷收宛馬
御艦風腥射楚蛟騰怒翻江知飲羽飛聲著岸聽鳴鼗

旌旗在眼昆明戰幸悔輪臺劍戟拋

青絲白馬勢高張敗入樅陽近壽陽

侯景挾袁太子西上敗後相失太子

船入樅陽左右勸其入

龍種無歸嗟地逼跛奴自誤怨

天亡早知疑忌終竿索底事遷延寄葦航試看桐陂斜

照澹分明嗚咽為蕭梁

十里新開老鶴河三軍普唱檀來歌舟維鐵字排雲鷁

界畫桐川泛木鵝

周世宗伐南唐李景請割江為界北浮木鵝於江隨其所至以定南北

望皖公徒罷酒西來標卒有凌波盈盈一水憑衣帶其

奈繩量采石何

燒羊雁汊方迎主

趙普勝號雙刀趙據安慶別立寨柵於樅陽太祖命廖承忠攻拔之又使人間普勝於陳友諒果疑託名會兵安慶

以圖普勝普勝聞友諒至燒羊於雁汊浦以迎

四廿三

聽松濤詩鈔卷四

鴻泥集下

四

山已抵關九械環攻鳴鼓角雙刀挾舞拒梯攀趙城旗

幟須臾拔汧水樓船不復還愁說當年余副使登陴慷慨

慨血朱殷

左忠毅公光斗祠

正笏難為仗馬瘖清除私黨一肩任移宮已伏文言獄

訐厥尤乖熹廟心緹騎何干還雪涕諸生爭代盡輸金

袞龍檀像終塵土俎豆旌忠尙至今

龍眠山在桐城西北六十里

龍眠居士李公麟秦璽商鐘欵辨真可惜多才為畫累

視同張顧一流人

周公瑾墓一云在蕪湖民家

雅量傾江表英名起曲阿故君僚婿待老賊勁兵多送
質排羣議行營發醉歌欺降風與便借助漢連和蘆荻
騰飛燄魚龍竄沸波北軍新落膽南郡帶沉疴大局三
分定斯人短命何知音憐顧曲遺疏慟投戈翼子雞鳴
爽依人虎頂摩江流愁白瀉銅板唱東坡

文翁里 在舒城西

蜀賴文翁化橫經仿序庠其風蒸日上此地破天荒禮
教追齊魯循聲首召黃舊時遊釣處十里界桐鄉

羹頡侯塚

在舒城西北三十五里俗呼爲舒王塚

微時恩怨最分明子弟同封薄夏羹轅釜猶疑邱嫂吝
分杯豈惜太公烹乾餼失德閭閻態餐飯酬私富貴情

五

聽松濤館詩鈔卷四

鴻泥集下

五

一例君臣生業棄未聞糠覈報陳平

包孝肅祠

在廬州

解官終養咏南陔赴召天章兼諫臺豈有閭羅關節到
還爭典客便門開 契丹使典客謂拯曰雄州開便門乃
亦開門矣刺疆事何必欲誘我叛人以刺疆事耶拯曰涿州
開便門哉其人無以對通商解縣籌鹽法出守端州卻
硯材一笑河清疑峻急平反鐵案總情推

廬江小吏妻

小吏港在府西境漢建安中小吏焦仲卿妻劉氏爲姑所逐自誓弗嫁其家逼之乃投水死仲卿聞之亦自縊庭樹

廬江小吏焦仲卿君家作婦奚聊生出戶情知都訕笑
妾心到底難分明君爲府吏苦持節妾亦隨君誓從一
裁衣織綺彈箜篌惟願高堂稍顏悅意竟難回言每違

事無一是有百非鴛鴦打散江頭宿孔雀不敢東南飛
人家棄婦有歸處今日辭君更何去出門一步一徘徊
除是沉淵無別路流蘇斗帳紅羅巾留待新嬌含笑顰
叱狗去妻非君意束縕還婦看誰人

箏笛浦

在府城后土廟側漁人嘗夜聞箏笛聲及香氣氤氳相傳曹操沉妓舟於此

忒煞多情忒薄情分香賣履卒沉津荒臺應記登銅雀
疑塚誰從伴石麟漁笛晚風如度曲一作如教舞寺鐘殘月
盡含顰可憐箏笛洲前水嗚咽吞聲代訴人

守濡須二首

濡須塢油船東下經月餘一步不敢過巢湖將軍長上
何短下幾將豚犬錯認渠可意兒郎軍整肅迴旋江面
鼓吹作非得公箭船幾覆衣帶水隔天河燔燒赤壁心
不死春水方生公奈何

聽松濤館詩鈔卷四

鴻泥集下

六

濡須口阿朮南來降旛走諸公休驚拐子軍黃天蕩裏
喪家狗靴尖不擡順昌城血肉枕籍無還兵鐵打廬州
來敢爭諺云天生重慶鐵打廬州昔獻浮橋濟太子今日丈溝一躍

耳爾師姑休吾師濟請看順昌舊旗幟柘臯河邊軍八

字劉錡所統爲八字軍守順昌時軍士奮躍曰平

浮槎山

在廬州東八十里俗傳山自海上浮來昔有楚僧過而指曰此耆闍一峯也梁武帝

女爲尼於山建道林寺山有甘泉宋嘉祚中郡守李不疑飲之甚甘以遺歐陽脩作

記云

西天佛法誤蕭梁布盡黃金祚不長帝女無端身亦捨

梵聲吹過紫琳房

耆閣飛下海天涯第一龍泉說斷槎山記猶煩歐九作
篇中強半道烹茶

藕塘鎮

在定遠縣東六十里紹興中劉猷藉兵三十萬與劉麟分師入寇楊沂中相遇於藕塘大破之降其卒萬人獲車千輛猷以數騎遁去

劉豫山東種田叟託國於人作嗾狗兵分三路窺濠廬

乳臭逆雛出渦口

劉麟挾金人入寇帝親征欲渡江決戰趙鼎曰至尊豈可與逆雛決勝負哉

狼烽遠舉氛騰妖膽碎光世捐城逃棄仗如山車塞

路投鞭填塹箠成橋越家坊前老罷臥誓鬻東師手齊

唾轉門交鋒逼藕塘矢聲如雨擦耳過以一當十百當

千血漢驚呼楊殿前

沂中以數騎破劇賊李昱甲胄汚賊血皆赤帝酌酒勞之曰酌此血

漢彎弓寒戰無敢發躍馬一叱溝渠填捷書夜報君王

喜果是幽燕好男子搖頭賊戒窺淮南髯將軍勇乃如

此

虞姬墓

在定遠縣南俗稱楚虞墩靈壁亦有墓相傳身葬靈壁首葬定遠

四面軍聲望馬塵前為楚舞淚沾巾豈緣顏色傾王國

還是英雄誤美人駿馬同時榮別恨名花他日認前身

八千子弟無屍裹不及香墳六尺存

西楚霸王廟

在定遠相傳項羽敗還過此後人為立廟

雙璧千金換一頭鴻門已誤再鴻溝多疑那復收羣策

不忍從來亂大謀粉社繡衣歸願遂穀城公禮葬身休

英雄起事稀成事天水蒲東概一流

聽松濤館詩鈔卷四

鴻泥集下

七

紅心驛 在臨淮南六十里

沙隄鬆襯馬蹄驕華蓋諸峯撲翠遙酒店青帘斜照曳
紅心驛畔紅心橋

過臨淮

楊柳旖旎二月餘鍾離城下小停車人過濠上歸逢雁
地近淮河飽食魚傍水樓臺多甲族滿街錢布趁寅墟
黃流去歲侵渦口膠棹猶聞淺帶淤

濠水

在臨淮東

頓作濠梁想相忘漆吏書知魚跳育化蝶夢蘧蘧指
爲窮薪續心看止水如吾生憐涸鮒煦沫遠江湖

鳳陽

聽松濤館詩鈔卷四

鴻泥集下

八

起伏逶迤接鳳岡昇高王氣鬱蒼蒼中原肩髀橫鐘乳
下蔡咽喉阻石梁玉馬金鳧猶後寢雲龍風虎盡同鄉
漢家豐沛周幽鎬一例栖鴉噪夕陽

滁陽王郭子興廟

果能巨眼識真龍不合機心出婦翁炊餅夾懷蒸乳爛
他時流淚說中宮

過王莊驛

在鳳陽東北七十里

荒村三五鮮厨煙計孳朱朱換幾錢縛向街頭蟲啄飽
尾雞盈握問車前

宿固鎮驛

到處騾綱雜依然店宿茅一官毛髮大 鎮有巡司 九道局棋

交似翦風裁葉如鎌月挂梢香油煎夾子伴酒酌陶甌

宿州

禹貢徐州屬春秋宋國兼顓與同不祀陳勝煽餘炎陳勝
州陽城產於宿野戍惟霜柝人家半土檐計程剛百里關吏報

郵籤

符離弔古二首

唐咸通二年叛卒擁立判官麗勛
徑犯淮南徐州觀察使崔彥會命
宿州兵出符離泗州兵出虹縣以
拒之麗勛遣吏啟訴以軍士思歸
勢不可遏願至府外解甲釋兵彥
會怒誅其使勛等政宿州陷之宋
隆興二年張俊督諸將北伐李顯
忠復靈璧又復宿州邵宏淵妒李
顯忠成功搖散軍心不以一甲相
援顯忠乃引還師至符離大潰宿
州再陷金人
遂進攻淮南

セロ

聽松濤館詩鈔卷四

鴻泥集下

九

彥會才器本常流戍噪淮南陷宿州兆伏窰人吞鼠輩

彥會張佛筵液窰爲人以供佛
一昔鼠齧皆斷首人以爲不祥
機探傀儡弄倡優麗勛每破

郡縣先令倡率弄
傀儡以探人情
健兒還幸能青眼徐卒有審路中者

尸後率死士應官軍遂破助
劇賊從無到白頭勦撫空

談文吏習監軍不語更顏羞監軍謂張道謹

搖扇清涼各趁陰金人攻宿州李顯忠力却之邵宏淵
顧衆曰當此盛夏搖扇於清涼且猶

不堪况被甲苦
戰乎人心遂搖孤軍力拒幾成擒營分水火功相妬堞

亂梯衝寇已深史筆曲言猶袒庇宋家元氣更疴沉三

十平萬衆填濠塹虧煞先生不動心

羞牛後舉牛口後車馱載飯牛叟臣扣牛角王曰商聲

扣角歌過甯戚塚作

在宿州西

歌王若不聞臣奈何滄浪之水跳尺鯉育育者魚詢婢
子臣猶五穀大夫耳

徐州四首

汴泗相交背郭流彭城可是帝王州入關先手爭秦鹿
歸里甘心笑楚猴父老相憐猶貌祀英雄抵死不陰謀
平生快事王離破壁上驚看六國侯

旌羽飛揚入沛豐高臺擊筑佐歌風千年魂魄猶斯土
半世驅馳看乃公猛士誅鋤難再得故鄉蠲復請從同
翠華想像雲林表子弟能談置酒宮

連岡起伏玉屏遮綏里雲山分外嘉宋武帝彭城綏里人此日登

臺誰戲馬當年擣藥自醫蛇乾符依舊還劉氏帝漢劉氏楚元王

三才子

聽松濤館詩鈔卷四

鴻泥集下

十

交之禪詔終須仿魏家麻拂葛燈連齒屐休嘲田舍舊
後繁華

盜移唐祚視眈眈雜產龍蛇怨碭山宰相無人煩鄭五
乾元值閏借朱三籛籛不殄難爲婦教授何寃得此男
假手芟除天意巧流腸阿犖斃兇頑

偕友人登黃樓用東坡九日黃樓韻

熙寧十年河決澶淵彭城水深二丈八尺七十餘日不退後澶州大風河復放道蘇公作黃樓於城東北隅以捍水子由有賦

土能勝水五行說中藏元奧意誰發髯公遺構層城巔

聖土黃樓四壁滑白鷺雙飛前導行軟塵撲面泥韉襪
不用鳴鉦呼畚鍤更圍長堤屋脊平湖落沙乾水勢殺
汴泗合流不敢驕背繞城東臥佛刹樓上攢更角悲鳴
樓下搖燈櫓伊軋卯君樓賦出冠時卻被阿兄一詩壓
何況我輩上水遲語被催成半疵鬢慎勿掩口笑胡盧
效顰有此杜荀鳴西陽雜俎有富家子杜四郎爲詩號
杜荀鳴自以此杜荀鶴聞者大笑
一杯醉舞冠傲傲今日何殊泛茗雪

燕子樓

在徐州城西北張建封子愔鎮徐州納姬
關盼盼於燕子樓愔既歿盼盼不嫁居樓
上十年嘗賦詩見志白樂天和之復贈一
絕盼盼得詩泣曰非不能死恐百世後以
我公重色有從死之妾
耳快快旬日不食而卒

聽松濤館詩鈔卷四

鴻泥集下

十一

涎涎燕張公子難相見珠簾十二捲樓前飛入猶帶去
年線藕腸絲孔抽輕春愁紅恨紫嬌娥嚙了丁宵漏銅
壺滴合歡簾上單眠人關盼盼詩樓上殘燈伴
曉霜獨眠人起合歡牀滿樓明
月浸如水照我波瀾心不起齧蟾金鎖十年封此身甘
爲尙書死祇憐香車送北邙手種松柏陰成行冢土成
灰合作偶至今樓瓦燒鴛鴦鴛鴦自雙燕自隻飛飛何
處故雄覓斜陽冷巷銜泥歸網觸蛛絲尙書宅

憶舍弟和子由逍遙堂韻

知君漂泊湘南路苦憶寒燈夜讀聲童僕開門看曉色
觚稜檐月挂彭城

地分南北二千里昨日書來倒印泥料是匆匆書不盡

對函鈴押有餘淒

范增墓

史記註引皇覽謂增葬居巢而寰宇記謂在彭城按史記增行未至彭城疽發背死自以在彭城爲是

火燒咸陽廢義帝地險人心兩失之居鄴禿翁好奇策
此際如何不熟思苦口祇勸圖劉季季死能無與季類
縞素發喪已借辭誅功轉爲諸侯地明知巴蜀猶關中
反以沃險資英雄移足一步三秦定羽亦寔怨謀不忠
嫌生何必由反間不乞骸歸有後患吾謀不用背疽生
五載何曾有奇算勸居漢中兵備脩出師名復懷王仇
事事較公贏一著人間那不誇留侯

縛虎行

州有呂布城白門樓在下邳

三

聽松濤館詩鈔卷四

鴻泥集下

七

飽飼虎飼虎不飽磨牙怒急縛虎縛虎不急張爪舞座
上客大耳兒不記營門射戟時請君緩頰反急之令布
將騎公將步天下可定誓相隨阿瞞愁爲董太師馬中
赤兔人中呂布白門搖尾空乞憐虎亦鼠耳何足懼假
其威者袁公路

華陀墓

在州城內

斛灰難洗奸腸穢壯炎還遭猛火攻苦眩何須醫侍側
請留陳檄愈頭風

索火燒書何足惜殺身偏爲活人方神膏麻沸青麩散
猶乞龍宮晒藥王

王陵母墓

在徐州城南

暴得大名恐不祥陳嬰聽母屬項梁陵母語陵謹事漢
目中全無西楚王私送使者軍門泣母持二心爲老妾
此言上可通神明叱咤之威奚足懼頭亦可斷身可烹
當歸不寄勉成名奉母教如國盟豈肯投暗徒偷生吁
嗟嬰母誤陳嬰

渡黃河二首

未得槎尋織女梭夕陽明滅亂流過濫觴星點來蔥嶺
駭箭桃花接絳河復道何年三策窘殺流無地兩渠多
填薪下埽橫堤禦舍此奚從竟奈何

西風獵獵透征衫航葦輕身託片帆上界迢遙無鵲駕
左驂嘶怒恐鼉衝千艘漕轉憑淮敵六斗泥渾帶海鹹
欲俟清時看貫濟投膠無用濁流攙

聽松濤館詩鈔卷四

鴻泥集下

十三

滕縣

諸姬寥落食如蠶叔繡遺封偪未堪唇齒相依惟薛紀
枝柯先翦慨毛聃春秋降爵班書子華夏徵盟役並男
事楚事齊難事宋誰從斷髮唁曹南

滕文公廟

井田終不復經界講何爲三代聖人政百年王者師親
賢無世態好古本天資可惜談仁義偏逢戰國時

狐貽山

在滕縣東南二十里

侏儒輕敵倚多才蜂蠆螫人師敗回幸是狐裘輕兕甲
不曾拋棄學于鬚

孟廟三十六韻

廟在鄒縣南門外

靈秀鍾鄒嶧淵源接泗洙鄰經賢母擇里近聖人居私
淑窺堂奧同由踐軌塗體兼顏閔賡勇較黜賁殊杞柳
防狀性桐梧賤養膚耆能秦炙渾說恐楚咻俱婦道羞
儀衍邪言距翟朱追豚方入豈搏虎又迎車世運干戈
際民生水火餘解懸齊引領援溺俟來蘇麋鹿郊爲囿
牛羊邑斷芻馭淵先避獺緣木枉求魚僕僕誰前等皇
皇盡曳裾往招臣草莽比食匠輸輿舍爾姑從我王其
庶用子無功嘲炙輶並廁濫吹竽斧斲材空得磁基力
竟虛萬鍾猶棄屣百鎰肯分銖出書經三宿之滕望一

邑廿八

聽松濤館詩卷四

鴻泥集下

十四

七篇明性道六藝志詩書味飲辭醇者茅開徑廓如沐
光爭炫耀巖象露廉隅養氣傳韓子求心衍宋儒厥功
寧禹下不遇慨周初五百年名世三千弟楷模蘭陵奚
合傳莘野或同趨困學紀聞孟子學伊尹者當今之世舍我其誰是亦聖之任路史發揮孟
軻對諸侯必以湯武爲言其所自處非伊尹不可章指臺卿汨王無咎曰趙岐名註孟子而實
汨詆棋涑水誣文獻通考司馬光疑孟十後人疑信半
當日意行孤坎軻憐公族孔叢子注云子車一名高亢子居居貧坎軻故名高亢
始丈夫謁祠瞻峻宇開第勝康衢博士綿流澤齋生奉
奠糈脩宜天爵報祀重

帝恩敷鑠

我非由外芸人愧舍吾何從咨學問稽拜暗嗟吁

嶧山碑

秦始皇東巡狩羣臣頌德之詞丞相李斯篆其後魏主熹南下登鄒山使人排而外

秦皇執筮天下筭翦滅六王朝四夷三十六郡惟監尉
統壹何勞巡狩爲浮海射魚夢神戰赭山躡石張番威
旌縣之累留撰刻泰山梁甫親禋祠博士百人蹈且舞
頌德銘功丞相斯儼四三王六五帝削鳳緝雅鑄諸碑
碑成沐浴樹鄒嶧上鸞鸞鳳下蟠螭子孫果能千萬世
玉檢赤泥封禪基豈料沙丘祖龍死早被華陰山鬼知
鮑魚猶臭殺函破白梃耨利戟鉞阿房已借焚書火
穢刻能無博浪椎玉關不閉胡馬入長繩拽倒鮮卑兒
蕘夫礪斧牛礪角仆道無人駐馬窺不如岐陽斷石鼓
風纏露沐神呵撓席氈包裹遠難致偶摹紙本逾珍奇

七
字

聽松壽館詩鈔卷四

鴻泥集下

七五

南山自輦北山固片石何曾毫髮禪會稽濤霍東巡徧
漢武幾忘前事師方今太平犧吳世氣調時豫人雍熙
儒館賡歌侍臣頌納祉延洪壽翼旗幾見登山刻石祈
蕃釐

弔荀卿

談天炙轂煽當時濁世窮脩一老師論性何須分善惡
立言終是雜醇疵不逢知已徒黃歇尙被寃人誤李斯
爲問蘭陵城郭廢荒墟榛莽夕陽遲

贈汶上歌者玉英

竹枝水調入絃清爛醉如泥門耳明頗笑多情崔十四
願橫膝上作鳴箏

輕按慢撚甲頻挑記曲筵前赤豆拋近日王維憔悴也
舊聲休唱鬱輪袍

銀餅倒盡鬱金香暈頰紅潮畧勸嘗試看韶年纔十六
去年何不嫁王昌

雌雄蠶蝶體差珠宛轉哀箏唱想夫此地平山應聽得
使君有婦是羅敷

兗州弔王彥章

鐵槍登馬似飛馳蹶躑軍前事可知身被重創龍出骨
名成一死豹留皮武夫能使文臣愧烈士偏生濁世奇
勝敗難論關國數英雄甯數鬥雞兒

大風落帽戲歐陽蘭谷

時非九日登龍山公何落帽溝渠間母迺風姨惡作劇
教人露頂窺詩斑一角墊疑陳梁兩三寸窄殊子夏冠
高屋短簷氈渾脫頭顱老盡長途艱九衢車馬如流水
壓帽宮花人艷看獨此破帽雲披絮甚日離身何太難
直須擲地將頭責風掀一洗儒巾酸覆眉休倚旁人正
借他漉酒開愁顏

東平道中口占

雲停雨攔頭陰日綠皺紅蕩鬧意時催我羊頭車一兩
香泥輾破蝶蜂知

蓉塘詩話自鎮江以東有獨輪車一人挽于前一人推于後謂之羊頭車

東平王蒼

分華若木潤天潢寶馬金錢賜越常獨有東平腰腹副

笑他同輩誤梁工

冉伯牛墓 在東平州西十五里

大道時丁厄斯人疾隕生聖賢猶圍命天厲使成名獨處歌芣苢同宗幸角駢荒墳餘五尺誰與禁樵耕

過東阿詢張良得黃石處

東阿穀城本二邑并穀城于東阿自北齊始移今縣東北有穀城山世傳卽張良得黃石處

銀雲弄晴色驅車過濟北尙疑岬上人長作穀城石赤松遊不歸黃山儼在側浮塵蔽馬目困頓求棲息倘教取履來未必甘爲役旁有老人言汝來石難得

謝御人

聽松濤館詩鈔卷四

鴻泥集下

十七

四廿八

我聞國策言百里半九十御乃如師行三十淹終日半里一加餐一里一休息行當何時到毋徒索酒值御人笑仰天公言殊不然吾食在公手公路在吾肩併重以任載流汗日挽牽譬公役牛馬亦應牛馬憐不虞口被關使我失言悔御且重致辭意言公勿罪小人幸事公於今逾五載前隨計吏來殷勤較人倍謂當入長安拾芥取金紫得沾殘羹杯侏儒賴飽死依然打銅鞮角巾還鄉里宜卽杜門居胡爲再來此馮婦下車羞勸公歸休矣迴頭語同伴京師好大處朱門列九衢農入探親不賈又不耕名爲國之蠹腐鼠動嚇人大言真不忤改

顏謝御夫辱爾在泥塗
鰕生云識字其實糟粕餘雨次
金貂盡枉上丞相書分無馴馬榮始賃羊頭車長安米
難索汝可姑徐徐

陳思王墓 在東阿縣西北十里

銅雀揮毫助有神
東阿才調本超倫
贊儲成隙窺
誅廩賦洛何心誣
感甄短楫洪濤傷去國
高樓明月照愁人
豆萁煎煮瓜無匹
賫恨黃泉未展親

魚山 在東阿縣西八里

模糊煙樹有無間
雨後螺青簇曉鬢
可惜陳王才八斗
祇慕梵唄寫魚山

三歸臺 在東阿西二里

聽松濤館詩鈔卷四

鴻泥集下

十八

今云惟美姬暗避勳名盛
鄧侯奪民田自汗懷憂恫
後人效其尤適足召禍釁
如何漢唐時曾不罪驕橫
不見柯邑臺大夫環妾媵
謂掩桓公非女閭國人病
分謗卽云然母乃同將順
胡不强諫君放遣肅宮政
君嬖六夫人臣亦娶三姓
上下幾色荒霸功何由定
尸蟲兆已萌貂開方類進
破老近婦人傷讒謝威柄
此意猶郭蕭說苑吾其證
國策强爲辭支離未可信

荏平以荏山得名地平土沃古稱其俗好稼穡務蠶織質直懷義有古風烈亦東昌之勝區也然善歌俗變縣駒數錢日忙媼女淫靡之風有自來矣

車中無事因取魯列女四人以箴其俗將俟諸采

風者

無鹽女

承恩不在貌隨心爲妍醜一朝恩愛移嬖威亦怨偶剪
髮明區區私誓竟何有生死入長門哀吟怨白首夜半
羊車聲却傍鹽枝走暗悔工爲容不如力操臼操臼雖
艱辛得作田家婦試看鍾離春四十爲宣后何曾以色
升六官齊避後君王方愛德西施等蒙垢可憐淡掃眉
歛色朝嫫母

秋胡婦

刻畫到無鹽未免輕唐突菖花多艷姿寒竹有脩節道
旁採桑女皎皎潔如雪蘼蕪綠上山倚籠長嘆息夫婿
遊不歸使我心焉惻南陌來使君相逢不相識視如蕩
子婦多金苦相逼妾非路旁花春風漫欺得遊陳四五
年妾顏可記憶長跪見故夫故夫有慙色

漆室女

擲金無妍笑銜玉無貴售嫁女傷梅標媒勞女亦羞東
食西家宿逾期爲相攸不嫁嫁已畢唾彼衛女求魯有
漆室女常懷君國憂單衫倚庭柱悲嘯心悠悠鄰媪龔
而憤謬言懷匹逖嫁晚良足戚失身更誰尤美人遲暮
心名人老大愁十年貞不字耿耿同千秋此意誰更知
玉環井寒流

義姑

十視病能眠兄子異吾子矯矯第五倫有私猶如此何
能責婦人一之無異視棄兒全弟兒伯道丈夫耳倘爲
伯道妻未必念叔姒卓哉魯義姑依然魯義士攜室竄
兵戈齊師方入壘左抱而右懷勢無兩全理但全兄孤
生何惜已出死此語動三軍相戒毋遺矢匪直當時憐
百世猶興起

宿馬莊館

在平縣南十里相傳唐馬周故宅

落拓長途困宦游青氊烏帽紫綈裘鳶肩火色終騰上
逆旅何曾見馬周一作何曾有

高唐州馬頰河故道

在州西二十里

馬頰源開州朝城接宗派屈曲由清平南入高唐界陡

可辨七

聽松壽館詩鈔卷四

鴻泥集下

三

然一束之上廣而下隘湍悍不受拘噴薄聲澎湃有明
成化中潮頭打城壞白晝走鼉鼉黃流挾水怪唐公釺
三渠唐公名楨成化中州牧於城東北下地浚溝以分河勢始免水患其勢方稍殺爵
堤力與爭轉徙駛流快百年民氣蘇呻吟病新瘥故道
圻條條爪痕留背疥傍西鄰漯河順軌不爲害俛仰思
禹功疏瀹萬年賴

弔古戰場

相傳高唐州城南爲孫臏龐涓戰處

噫嘻悲哉六國諸侯雞翼連自相吞啄尋戈鋌使爾三
軍白骨犁爲田至今二千二百一十有三載徒見黃沙
漉漉飛遙天我欲言之淚似泉儀存舌雖摺齒得志尋
誰楚魏先盡借人國脩私怨豈獨孫臏則足仇龐涓馬

陵道上駑齊發白書忙讀到馬前精靈不死乾啼血陰
雨愁雲哭杜鵑沙墟鬪體野狐戴青燐似豆寒無煙舊
鬼煩冤向誰訴性命直爲脣鋒捐國仇未復客仇復諸
侯抵死不悟真堪憐

反李白懷仙歌

神風不引海舟去教望蓬壺無的處徑欲身騎白鳳凰
飛上玉京朝天路長繩難挽去日留世間萬事如東流
張良辟穀終一死那不畏赤松遊

華歆

高唐州人

子魚巾履儼名流貪作司徒事漢讎傳並鍾王依驥尾

節非夷皓愧龍頭

孫盛曰歆既無夷皓韜蓋之風又失王臣匪躬之操

過江何幸

聽松濤鐘詩鈔卷四

鴻泥集下

三

佳賓待入許翻勞廢后收不見遼東徵命下依然阜帽

淨清留

高雞泊

在恩縣西北舊爲漳水所匯廣袤數百里

葭葦阻奧可以避兵隋大業九年竇建德使其黨孫安祖入高雞泊爲盜十二年高士達據高雞泊隋將楊義臣破斬之唐中和中宰相王鐸自義成徙鎮義昌過魏州魏博節度使樂彥植子從訓利其裘馬侍妾伏兵於漳南高雞泊殺鐸而取其資今夷爲平陸矣

天生阻奧區非爲盜淵藪刑迫而勢驅那不挺險走隋

政紛其綱亂者什八九山東沸如糜跳梁叢小醜建德

亡命徒揭竿爲戎首安祖原摸羊

安祖入泊中爲盜自稱將軍號摸羊公

士達慣屠狗遊魂且偷生山澤實藏垢蕩滌逢真主攻

巢焚穀穀累世傳中和藩鎮爭攘取無賴出衣冠荏蒨

徒械杻赤子卽龍蛇饑寒易紛紛悍奸還在德防宄非
巡擷試看雞泊中今日惟魚鬻百里犬生齧伏莽已無
有

蘇祿國王墓

在德州城北蘇祿地近淳泥閣婆水
樂十五年其國東王西王並率陪臣
家屬三百四十人入朝恩賚有加東
土還至德州卒於館帝遣官致祭營
葬勒碑墓道謚曰恭定留其妻妾僮
從十人守墓俟畢三年喪遣歸

永樂天子龍虎姿統壹八紘朝四夷閣婆答刺圖王會
真臘占城請貢期棧山航海鱗麀萃編名屬國咸羈縻
海東遐裔名蘇祿去天彌遠居荒陲蔗漿爲酒竹爲布
魚脊爲梁象爲騎偶因開元賜廷宴爭坐不識天朝儀
從此龍庭尊老上非驢非馬如龜茲忽聞中國聖人出

464

聽松齋集卷四

鴻泥集下

三

重譯欵塞朝京師東西二王交膜拜金葉表文鋪玉墀
願備外藩遵正朔惟天可汗包容之世世子孫毋渝誓
言訖頻頷天子頤從來酋衆凡三百詔賜冠帶各有差
載奉璽書佩金印瀕行錦綺盈車遺東王行抵德州驛
遠道風霜屬負茲捐館還教鬼妻住墨子越之東有韞
沐之國其父死則
負其母棄之曰
鬼妻不可與居還舟不載帝狎隨詔營葬祭如王禮一
樣磨鐫淳泥碑明史永樂六年淳泥國王入朝卒于館
帝遣官致祭葬之安德門外石子岡樹
碑神歲時灑掃供百戶湛恩汪濊淪膚肌豈少璜璜矜

武畧懷柔總遜文德綏漢武用兵三十載威宣日表窮
月支蒲萄瑇瑁羅琛賫輪臺晚悔中原疲何如洗戈長
不用使其沐風殄信依天慈

過景州

南襟德棣北滄瀛地接遙天一掌平到眼關河齊趙界
傷心戈甲晉梁爭五代梁人合兵攻藩晉將李存審屯德州謂諸將曰藩縣方急若坐而視之使賊得藩必西侵深冀患益深矣乃放鷹人集馬頭
出奇破梁兵自是梁不能復有河北
鎮收犢叟歸龍額城馬頭鎮在州東南即漢封韓增地正是騰
騰春日困夕陽茅店酒旗明

投宿

弓高城上晚啼烏逆旅前偵穎士奴對面酸風眸洞射
單身靈土眼層糊梨經改味如何果神異經南荒有如何樹結實如棗以何樹結實如棗以
金刀剖之則甘非此則辛酉陽雜俎則連有四味木實
若棗以竹刀剖之則苦木刀則酸蘆刀則辛金刀則甘
餅錯呼名為甚酥臥聽扞揪鈴鐸響院中疲馬噉殘芻
繁露獨有書臺宿暮雲王伯多材徒較擬天人絕學慨
希聞家居中藁招讒如應悔當時不早焚

弔條侯周亞夫

功名難恃有如此貴為丞相乃餓死相法誠如許負言
夷齊誰見口縱理君前索箸事微纖上云將反意何指
種禍還因細柳營古無將軍約天子緩急勉為先帝容
少主臣有袁絲耳烏盡弓藏前咎追七國不平侯不死

劉智社行

昔有社民李聽婦言薄其弟赴州訴弟盜羊州牧吕叱之退使詣州民王青舍青故鄉農兄弟相友愛李感且愧遂篤其弟而逐其婦子孫同居五六世鄉民

廿八

聽松壽館詩鈔卷四

鴻泥集下

三

廣川鎮

一名董家里在景州西南相傳即董仲舒下帷處鎮有董子書院州治東有廣川臺

下馬來尋董相墳用東坡句寒鴉古木帶斜曛誰曾講舍繙

後祀王青爲社神余蓋聞之逆旅主人云

天將雨社公靈簫鼓鬧蘭糝馨男女歡忻女巫祝問祀
誰者曰王青青本社農不識字弟兄諧緝同衾被東家
畜弟如傭奴犬食牛衣嫂唾棄尺布之謠不可聞盜羊
反訴呂神君神君叱使詣青舍取酒酬勸情慙慙投地
自搥雙目腫悔聽婦言爲蔽壅糠覈可肥請自餐毋苦
吾弟厭閒冗我聞此言心骨悲憂羹轅釜多有之休倚
小郎屬新婦可知新婦未來時

漫河店

阜城縣東南三十里

風塵來往織如梭侵曉單車渡漫河擬把詩篇當日記
人來燕趙總悲歌

河九

聽松壽鶴鈔卷四

鴻泥集下

三

劉麟河

麟逆豫子阜城人也河以此名未免見汚
城西又有王莽故河今涇塞矣因詠此而
之類及

河流嗚咽訴難平笑罵千秋代別人兩地穢名淘不淨

西河王莽北劉麟

苻融壘

在阜城東北二十里苻堅破燕還融屯兵
于此

旌旗來往陣雲間太似陽平破敵還莫更淮南迴首看
教人愁望八公山

滹沱河

河出山西繁峙縣經代州真定北趨晉州
南繞保定復東出饒陽北歷河間獻縣又
東北流至靜海縣小直沽入海計過郡六
行千三百七十里

千三百里走滹沱風捲楊花蘸白波東去直沽爭到海

古來方祀總先河蕭王麥飯何倉卒成祖旌麾此突過

燕王破盛庸 僅恃橫隄戎馬限 宋咸平中何承矩議築
隄蓄水以限戎馬則引
不安于此 塘沱爲 沿江撤戍議云何

河間獻王墓 在獻縣東八十里

六經厄秦火舉世成癡眩淮南頗好書論著多浮衒後
人嗜其言猶餐大官膳小智崑崙蟲贅聞而疣見我愛
河間王苦心翼經傳搜求到民間手抄盈萬卷山東諸
大師一脈相流行地且以人傳到今名獻縣豈獨一坏
土過客寒泉奠

高適 齊人一日河間人

年逾五十始爲詩風骨高騫獨冠時莫怨成灰讒到死
除州還是受君知

言全四

聽松濤館詩鈔卷四

鴻泥集下

三五

夜聽琵琶有感

千愁萬恨總難說迸入絃中意凄切舊曲新翻赤鳳兒
絃斷一聲如帛裂續去續來抹復挑如聞百轉雛鶯嬌
簷月欲流星欲落春宵竟是可憐宵美人勿彈彈且止
我聞清淚滴鉛水自拋錦瑟天一涯紅粉成灰灰又死

河間諺

莫作河間婦堅貞長在口如何佛寺回便詈良人醜
莫作河間女僂僂長袖舞殷勤白席人一錢無得數
莫作河間囹腐刑前世罪別牽郎罷衣送老阿兄在

任邱道中

疏地垂楊早掛絲偏提貫酒鄭亭時游魚吹絮勾龍旋

在縣唐堤南爲衆流支壑倦馬眠沙扁鵲祠花事九分春過半旅程

三月路多歧明朝便是燕南界臺上黃金究待誰

瓦橋關 在雄縣南

郎當鈴鐸響林間遞運驢歸馱馬還戍鼓無聞弓在壁
東風晴絮瓦橋關

白溝河弔古

宋遼分界處在新城縣南三十五里

北門關鎖眼中州豈獨田郎割地羞外視燕雲如雁戶
甘心楚漢畫鴻溝飛狐嶺孰防西出拒馬河還控上游
底事太原諸將在錯延機會缺金甌

易水二首

荆卿揮袂入秦關白晝無光易水寒生刼迂爲曹沫錯

三十一

聽松壽館詩鈔卷四

鴻泥集下

三

快讎輕刺趙襄難故人鉛筑同埋恨力士沙椎此發端
成敗不須論劍術祇憑肝胆報燕丹

馬角烏頭舊怨深匹夫何怒虎狼秦千金自借將軍首
六國同仇壯士心欲變徵聲歌汝逝終疑盜字到于今
英風尙作蕭蕭響督亢陂前曠色沉

詠樂毅

樂毅下齊城不屠卽墨莒意且姪緩之螳臂何能拒豈
知日逗留反間疑生主代將尤畏誅飄然事遠舉夏侯
曲爲辭謂將法湯武湯武弔伐心王師如時雨毅爲人
復讐何可同日語弗忍孤城攻乃忍財帛鹵種怨益以

深市恩終何補盜名幾殺身所施慳所取不如師范叅

沼吳援桴鼓功成泛小舸伯才猶足數

樓桑村 在涿州

草木靈通赤伏符童童羽葆擁墻隅千年父老爭榆社
三國英雄出草廬帝里祥徵猶少昊少昊居窮桑臣家租稅
足成都東隅失却荆襄地晚景西方嘆後圖

洗馬潭

在涿州城西舊傳張桓侯於此洗馬

除却劉使君世間無健者也愁髀肉生試騎柳陰下

次琉璃河

在良鄉縣南四十里

日漸長安近河臨大道低蘆橋時陷馬茅店尙聞雞抱
岸環如缺流聲暗向西料應燈射處人影照玻璃

盧溝橋

三十八

聽松壽館詩鈔卷四

鴻泥集下

七

飛虹萬丈鎖桑乾赤玉爲隄白玉欄到此俱生題柱想
有誰真箇棄繻還郊門車馬如迴織春水鳧鷖自簇團
回首南馳二千里驟登身在要津看

擬西北有高樓

西北有高樓歌聲遏行雲樓上彈箏女良人遠從軍綺
窗臨大道車馬過紛紛薄言征夫邇日暮倚斜曛東風
不解舞吹動留仙裙一彈且三嘆此曲難合聞願彼知
音少憂戚無從分朱絲不改色留以待夫君

擬庭中有奇樹

庭中有奇樹蒼翠交枝柯與君早結髮誓言依薦蘿卽
今動相棄遠在山之阿攀條欲寄汝迢迢奈關河昨夜

長風發吹墜棲烏窠棲烏猶戀子賤妾將如何可憐非松柏青春已半過

祭信國祠

鼎翁生祭驛亭日曾奠汨羅水半杯一自銀當囚北館獨聞如意哭西臺黃羊暮歲慚慳得朱鳥精魂可化來
文水文山同吉里千秋俎豆懋卿陪

偕周大

夢巖

張大

單九

移寓觀音寺

祇存衣籠鮮金籬一乘牛車負載輕牀榻但憑憇僕派
甌杯先累老僧迎窗前跂爪蟲鑽紙壁後盱睢鼠瞰檠
洗耳從茲聽粥鼓辟除絲竹有餘清

與夢巖單九約課戲以詩代言

三子七

聽松濤館詩鈔卷四

鴻泥集下

三

放膽今朝棗友稱壇前執耳衛人登十年以長可乎可
五日爲期能不能銅鉢響催詩納卷畫叉錢買酒量升
更餘一事家僮約蝙蝠飛時早上燈

食蘑菇

雷雨乍停風日晞蒸將朽腐化神奇沙中銀織撐莖出
塞外油衣打馱歸和糝定宜花鴨配煎湯却較樹雞肥
筍尖榆耳芽薑屑食法監厨莫漫違

寄里中諸友

旅思膏騰帶宿醒黃沙如雨打窗聲黯然銷者草煙綠
思不見兮雲影橫幾陣啼鳥爭戟集誰家放鶴門鈴鳴
文園有病非消渴獻賦無門臥鳳城

效着終南鳴色袍功名銷盡少時豪封侯自揣頭顱骨
入薦如吹腹背毛鄉味經年思竹兔市蔬連日飽菘羔
揚萬里詩菘羔 旋消冰硯抽爐火夾註添評讀楚騷
楮雞俱避席

高麗人夢歌

上黨團參鍾地英瑞光上應瑤樞精春秋運斗樞瑤光星散而爲人夢

孕育靈苗肩股具人銜鬼蓋蟠根莖本草人夢其成有階級故曰人銜其

草背陽向陰故曰鬼蓋又東坡團參詩舊聞人銜芝生此羊腸嶺陸龜蒙謝友人惠人參詩名參鬼蓋須難見

材似人形 白徒夜入私創剷下鋤每有兒啼聲異苑上一名土精人形者具能作兒啼昔有人掘之始下鋤便聞土中呻吟聲 神仙上藥無炮炙

嚼汁咬根神氣清不知何年地脉動百濟新羅亦間生

高句麗國瀕遼海元兔郡北溝濃城四境產蔓類羊角

又八十一

聽松壽館詩鈔卷四

鴻光集下

三五

春州紫實尤知名三椹五葉涵雲液其上椹樹枝交繁

高麗人參贊欲來求我椹樹相尋註椹樹似桐廣陰人蔓多生其下掘來剔鬚入湯釜風

乾火焙紅玉瑩百金使館購盈把圭撮和劑剪銅鎗香

迎鼻尖真氣溢甘回舌本元津行明日更須勞銀鹿簷

前丸藥聽流鶯

唐花

一昔陳根活連番宿火攻論圍先夏買出窖賴冬烘煎

迫神難王探支氣未充倘能催羯鼓喚汝作天公

餐蒸餅示家升甫編脩

發酵和溲製法精曼頭十字裂縱橫半臂易來無俚甚

殘牙欺得可憐生掬餚去皮人太侈充饑畫地士何名

惟知裏袖縮葱噉不解椒鹽太史評京師有太史餅實以椒餠甚脆美可

翰林院劉井柯亭二首

井在院署後堂之左明學士劉定之所浚亭在院署後堂之右明學士柯潛所構旁有栢二株曰柯栢

探瓶盥漱渴窺禽石登銀牀百尺深洗硯中宵膽草疏
開簾斜月覆桐陰思源並受王家福汲古長捫學士心
眼看瀛臺脩未到聊持短綆發長吟

一角涼亭徑繞三木天公退謝朝參人間炎日何能到

異代清風孰與談亭名清風不盡芙蓉沿曲沼獨留栢樹拂

層嵐摩挲遺植凭欄立誰識來游廖道南廖道南撫柯栢嘆曰遺風

流澤令人永矢勿諼

翰林院古槐歌

聽松濤館詩鈔卷四

鴻泥集下

三

我忙直為槐花來斗見槐花心目開漫空金蕊撲知是

誰人栽尙書省御史臺鸞棲鳳翥相徘徊每聞清夜響

絲竹羣公袞袞登三台今之老槐母乃是盤踞得地差

堪喜槐乎汝節須挺森母使人嘲木邊鬼賈嘉隱年七歲徐司空勸

戲語之曰吾所倚何樹曰松樹徐曰槐也何云松嘉隱曰以公配木何得非松長孫無忌復問吾何所倚曰槐

樹無忌曰汝不能復矯對耶嘉隱曰不須矯對但取其以鬼配木耳南柯之夢亦依稀未

見淳于詭鄉里濃陰果能庇喝人奴僕檉榆誰敢訾吳寬

槐詩立為眾木長奴僕檉與榆君不見宮槐夾道排千行掩藹長依日

月光高枝且許昏鴉集古來材大無顛揚

洗象行

香車寶馬團西城官校揮旗鳴鼓鉦柳陰昂藏象屹立
踏碎寒玉填濠平碧眼蠻奴氣剛鹵前身作象通象語
指揮踞頂安如山口唱涼州手拍舞斜睨點頭如解歌
忽翻雪浪崩陂陀齒露查牙鼻伸卷掀騰勢欲吞鼉鼉
奴且緣尾隨出沒擺簸無由山性發近隄一躍人倒奔
屹然相向高碑兀此物來真隨貢琛日餐昂料知恩深
立班翼翼朝儀肅不似寒僵仗馬瘖

輦下曲二十首

天街曼衍舞魚龍綺閣珠簾捲萬重遙望星毬交火樹
太平萬歲字當中

雞翹豹尾拂城闈幄殿高馱象伏馴明日穀辰先試輦

三六十三

聽松濤館詩鈔卷四

鴻泥集下

三

渴烏噴水灑街塵

揮鞭躡蹠紫駟嘶十里平沙御苑西滾地楊花揉作彈
逐人飛過玉河隄

榆莢杏酪作清明紅雨飛英滿鳳城午道團觀繩樞戲
鄰墻拋下革毬聲

典衣新換玉搔頭燕九良辰約冶遊各翦烏金蝴蝶戴
茴香髻子學蘇州

羽林年少插霜翎城角橋頭寶騎停射落錢枚人拍手
釋彌齊放海東青

無人識得相公來氈幄筭星半掩開忽喝驢車停道左

花驄御史早朝回

黃金鎮尺壓縹緗日講虞書第幾章白髮詞臣籠袖出
經筵熏得鶴頭香

五雲深處赭黃袍寶繖珠幢雉扇高昨夜園官新進果
金盤流汁薦櫻桃

盤輿晨幸暢春園夾道龍旗射曉暎傳遍鈴枚七十二
簇蹄宮馬出西門

金螯橋下柳絲長卍字呆愚水殿涼一色琉璃天浸碧
照人騎馬過紅墻

大雨時行溽暑蒸屏風矢點集饑蠅青紗綠豆休圍擊
銅盞敲鏗市賣冰

澆店迎風敞綺窗牢丸夾子榜無雙搖鈴貨擔門前唱
故顛柔聲作慢腔

聽松濤館詩鈔卷四

鴻泥集下

三

哥窰倭漆賈區寬鎮日遊人作隊看躡過街東逢廟市
無名骨董地衣攤

角鷹初下磧沙飛張網陰山好打圍射得黃羊鑼鍋煮
張弓插羽綴裘裘

涼生枕簟忽驚秋暮雨黃花泥客愁料理瓊簾糊紙格
三升酒後擁棉裘

替戾鈴聲掣老駝肉峯高負石煤多瓦溝新葢銀花雪
燈賣羊腸熱浴河

一網烏皮履曠兼晴泥絮軟沒翰尖皮工利市鞞生日
九百銅錢價議添

京師賣鞞人以十月初一爲鞞生日

淄淄寒雲灰落黠歲除竈馬印斜街黎祠須買連盆貯
寺院明朝鍛磨齋京師寺院以臘月廿四鍛磨爲鍛磨齋

都都平丈到年終袖裏銀星謝主翁要畢千家詩一卷
新正來學紙條紅

題南宋高宗畫扇摹本

銷金鍋裏醉初醒團扇秋宵共撲螢行樂竟非凡世界
偷安願作小朝廷金牛占地圖何窄泥馬過江讖不靈
桂子荷花工院畫可憐陵樹欠冬青

臨安宮殿渺難尋一角斜陽認遠林幾度炎涼拋竹篋
誰摹紈素費泥金月隄花舫湖西路雪窖刀環塞北心
枉說錢鏐生再世山河小影坐銷沉

后

聽松齋詩鈔卷四

鴻泥集下

三

觀劇四首

曼聲低唱踏搖兒一曲流傳數段師不是近來能作達

青衫幾濕淚千絲

星橋殿角語纏絲舞罷霓裳賜寶鈿雨夜淋鈴歸蜀道

傷心檀板李龜年

賴爾描摹薄俗情詠諧脫口趣橫生參軍休喚打蒼鶻

舊日黃幡綽有名

燭影沉沉水上樓簫聲明月記揚州廣陵絕調今銷歇

誰語旗亭菊部頭

壽大司農潘芝軒師五十

管領珠曹畫省清

絲綸親被重寅承天生仲甫爲喉舌

帝倚臯夔作股肱此日調梅需內相當年啖芋識高僧太平
贊助無他事邦賦能均戶口增

一聲臚唱玉螭頭日下芝雲五色浮忠孝求人榮第一
文章報國重千秋有緣我亦今生想此福公應夙世脩
未識杏林紅閣日簪花衣鉢肯傳不

虎觀掄英論石渠唐文千卷細爬梳纈袍覆體讐編候
蓮炬分輝校字初自古史才甯易得當今

聖眷有誰如廟堂從此添嘉話玉局脩書拜

物書

握節星馳擁絳旄官郵露柳拂宮袍心盟字水原同潔

四十五

聽松濤館詩鈔卷四

鴻泥集下

三五

筆壓廬山不敢高北斗人文爭景慕西江士習賴甄陶
門前多少花如錦都是當年手種桃

風裁峻峭仰人寰萬丈龍門匪易攀未必百川能學海
須知五岳盡宗山繡絲同得金針樣獻璞應慚玉筍班
記得鵠袍門外立也隨披探出榛菅

是次選拔詩題披
榛采蘭

吳門遠望白雲馳乞解朝簪奉履棊曲體臣心推

聖孝克全子職報親慈吟成梓里閒居賦補就蘭陔戒養詩
難得夫人調好椒花作頌侑瓊卮

丁街西畔午橋東綠野堂開碧水通燕閣夜聽桐葉雨
鯉庭秋動桂花風一身本自安危係四海咸知憂樂同
坐嘯東山今六載蒼生何日不思公

上界台星映紫薇，弧南炳耀遠生輝。治平有象躋人壽，
導養無方驗國肥。能以服勞兼服政，本來知命勝知
非。後堂料想駢絲竹，遙望蘇門獻鶴飛。

眼鏡

生花眩轉怯書攤，
鑿鑿揩摩吐暈團。
飛出瑤臺雙璧合，
光搖銀海一燈寒。
紙糊那敢羣盲笑，
鏡刮還祈另眼看。
我較嗣宗狂不減，
要分青白現眉端。

哭楊小滄孝廉

著作如今空等身，
嘔乾心血葬沙塵。
每愁管輅肩無甲，
常畏李嚴腹有鱗。
世竟虛生留我輩，
天何酷意奪斯人。
楓林月黑魂應怖，
昨夢歸來說幻因。

聽松濤館詩鈔卷四

鴻泥集下

三五

燕臺雜詠六首

九關佳氣鬱蒼蒼，
右控居庸左太行。
上谷輿圖秦土地，
中都人物晉冠裳。
龍墀仗馬晨依日，
雉堞啼烏夜警霜。
試問銅人秋淚滴，
幾朝金粉弔斜陽。

桑乾河繞郭城流，
誰割燕雲十六州。
門戶何曾牢鎖鑰，
穹廬時復駐旂旒。
上京新建黃龍府，
屬部潛窺紫鳳樓。
失算虞公貪虢地，
山河一寸寸金酬。

吳山回馬卜遷移，
宮殿頻煩老畫師。

海陵命畫師寫京師宮室制度改都

于玉樹瓊華憐往日，
秋衾銅輦夢多時。
風流紫府橙盃

醉，
金章宗孽橙為軟金盃詞云
黯慘黃塵瓊盃隨莫怨。

幽蘭軒裏事青城，
反覆債償遲。
劉祁歸潛志大梁城南五里號青城乃金國初

將軍駐車受宋二帝降處當時盡俘后如王族以北天與末帝東遷崔立以城降元兵亦於青城下寨而后如內族復請此地多戮死亦可怪也

延春斜巷醉春宵誰脫瓊簪勸早朝演揲宮中魔女舞
簡泥河畔石人謠投江鸞鏡悲分破出塞龍旗望寂寥
不見吹簫南海子西風黃葉赤欄橋

名誅鼯錯怒投瓜門啟金川門外蛇叔父遠來勞赤烏
先生抵死哭黃麻龍騰尺木由潛邸燕啄新泥入舊家

建文時有道士歌於道中日莫逐燕逐燕高飛上帝畿 豈料孫曾供蕩壞黃巾末

造駭塵沙

俯仰低徊五百年禾油麥秀爲誰憐風輪浩劫知龍漢
華表荒陵語鶴仙大地山河籠月裏諸天宮闕近雲邊

四十六
聽松濤館詩鈔卷四 鴻泥集下 三十一

龔開休著滄桑錄好誦生商降虜篇

宮人斜 前明叢葬宮人之所在阜城門外慈惠寺西北

白楊烏噪悲風起香銷玉冷土斑紫秋衾銅輦夢昭和
無限香魂草煙裏一朝金粉陵谷非七尺墻陰阜茭肥
塔井無名誰問姓螻蛄相弔鶴來歸庄小朱門花嬌輓
封紗繫臂良家選浴肌怕剔銀缸明點黛又嫌螺子淺
雕輪繡幃珠簾遮鮫綃承淚別孃耶只道握椒同鳳輦
誰知插竹望羊車朝望延和夕介福月殿雲廊三十六
君王忽自豹房來回鷓小隊新粧束儘有承恩比昭儀
催賜金鈿與玉脂內官不共牙牌召恨少黃金買畫師
曉鴉啼月壁缸閃二十五聲聽秋點君恩如水去不還

淚痕界破芙蓉臉樓上霜鐘催復催金爐星炭撥成灰

紅板托床纖手挽西苑池冰既堅以紅板作托牀上坐其中諸瑤於兩岸用繩及竿推引

蹴圓亭上打毬回雪瓊冰透弓鞋濕香案前頭禪袖立

菜戶添買奶窩酥明宮監牌子無名惟代宮人買賣者名爲菜戶宮中十月喫奶窩酥俱見

燕御袖拋分銀豆粒客燕雜記往時宮中出游西苑臨晚用金銀豆灑地聽內監宮人爭

拾以爲笑樂至思陵悉罷之每逢時節還賜緋裁作雷壇拜斗衣科

儀演唱青詞誦野獲編世宗居西苑齋宮設三清像命宮人習道教者於其中演唱科儀

鶴下繞香煙飛香煙岫吐春雲霧折轉凌波學禹步九

蓮菩薩韋馱神番經厥以內官一人扮韋馱立五色繖數十人鳴鈸吹螺魚貫其間走九連環

其班如飛鳥天啟後以宮人爲之宮中稱李太后爲九蓮菩薩看走連環飛鳥度等閒

度盡好時光懶縮初年鬧掃粧披上瓊衫過虎洞哥兒

六〇〇

聽松齋館詩鈔卷四

鴻泥集下

三七

花下捉迷藏天啟常於月夜與洞宮人捉迷藏於老虎洞年深幸免提鈴罰

蕪史宮人有罪罰提鈴繞苑墻行口唱太平萬歲至曉方歇寶鏡無情催白髮晨起

傳呼掃雪軍夜來分督揀花卒蕪史每歲冬內營撥軍士三千人內廷掃雪春

撥五百揀花豈少承恩花見羞蛾眉見妬六宮愁赫蹏小積

尋常事扇門絕食承簷流从弄銀箏私嘆息當初何必

好顏色誰把珍珠慰寂寥飛花墜溷自憐惜生來薄命

心煩冤鸚鵡當前那敢言紅粉成灰恨到死靈香不返

離軀魂宮車一乘出金屋姊妹低頭暗壁哭一樣掃眉

來掖庭短年先試野狐落那有珠襦窆玉棺桐棹三寸

裏紅顏東風寒食紙錢路餒魂癡望兔兒山蕪史太液池之西曰

昭和殿稍過爲旋磨臺卽兔兒山也裙腰芳草繞黃壘麥飯無人坏土捧

不及御榻老霜眉碑陰猶識虬龍家嘉靖中禁內有貓每傍上寢上最憐愛之後死獨弔玉鈎日影西徘徊欲覓塔罇題佛燈初上寺鐘打歸路傷春杜宇啼

題友人怡樓圖

尖頭屋枕夾流溪一角江樓八枕梯風雨對床姜被暖勝他官解住東西

眼前春草長春池留滯京華有所思夢繞西堂空得句看雲愁絕倚樓時

下第三首

從今羞說畫眉工時世新粧樣不同一第艱難希有鳥

神異經鳥崙之山有大鳥名曰希有五更悽咽可憐蟲心情癢癢如中酒

聽松濤館詩鈔卷四

鴻泥集下

三

頭腦岑岑更病風磨耗年華消幾許三年兩踏輓塵紅

依舊青衫跨蹇驢看人鵠立聽傳臚親朋強作屈聲慰

趙麟因話錄程昔範未舉進士日著程子中模三卷韓文公一見大稱及赴舉言於主司日程昔範不合在諸生之下當時下僮僕私嘲響卜虛王保定據言畢誠相公及第與一二同人

聽響卜在艾人稀人無所聞俄遇人投骨於地羣犬爭趨一人日後來者必得西笑遠來徒索

米南歸久滯且傭書少陵捻籍東家問其奈門停上客

車

竟是唐時造勝天唐書陸展傳展舉進士以六月出勝後榜期甚暑宅學士輒戲日造勝天

也炎風逼得夜難眠久拚炙鍊成枯腊始悟清涼亦散

仙活計琴材謀爨下歸期釵股卜燈前征鴻捎得家書

去拾讀三行定黯然

劉葆初同年春闈報罷卽賃車出都留之不可蓋
歸以養母也因送以詩

共爲他人作嫁衣都門執手兩依依落花夢短嗔春雨
寸草心長戀夕暉故業仍須操不律羈人轉怕贈當歸
長安索米還容易自愧蘭陔養志違

成名不過要娛親得失無關物外身養到定逢青眼客
歸來且慰白頭人老猶勤績知常健孝在承歡莫患貧
料得稱觴依膝下斑衫應帶九衢塵

石鼓歌 附辨

石鼓始詠於韋應物昌黎繼之東坡又繼之皆指
美宣王六一氏集古錄頗疑其非然終不遽定爲

四十一

聽松濤館詩鈔卷四

鴻泥集下

三九

何代物至鄭夾深則摘番殿二字以爲雜見於秦
之斤權遂定爲秦鼓程大昌董道則據左氏成有
岐陽之蒐一語以屬之成王馬定國又以爲宇文
氏西狩所作不知宇文狩岐陽第命蘇綽做大誥
未嘗做詩體也馬說固謬鄭說尤拘若程董似有
所據亦未見於詩且大篆始變於史籀宣以前無
此篆體車攻美宣王石鼓辭義相類故韋韓蘇三
公信之不疑然韋又嘗以爲文王之鼓至宣王時
刻詩而其詩又專詠宣王似其中亦無確見然則
論古者當何所取信不如闕疑之爲得也

岐陽獵碣貞珉鐫由雍入汴終歸燕皇慶之初置大學

橋門觀者車駢闐日銷月鑠幾朝代細文深刻完且堅

禱禡班師分甲乙彭亨菌蠢猶礎礎四百六十有五字

盤珠錯落難編聯佶屈奇辭鯁喉吻模糊缺畫推傍偏

其魚維何標魴鯉鄭本作標徒驤孔庶邈游旃謂紀蒐歧會

諸國大篆誰開史籀先謂美遷洛閱軍實吉日又異車

攻篇石鼓文曰吉丙申與吉日維戊吉日庚午互異詞嚴義密周文字時代莫

定成與宣漁仲音辨疲精力番殿豈獨秦斤權西狩宇

文惟傲詬誣云詩體齊堂顛昌黎已沒東坡逝何從遠

質千百年物非求舊以人舊禹碣堯碑亦偶傳倚撫羲

娥究何用好事往往搜巖巔嶧山之采遍秦刻無人著

眼名一錢信知摩挲有深意虞箴借戒盤遊田懷瑾書

英十八體書皆以為比諸玩好陪金石不如剗曰春戈

誕宣和貯古紛彝鼎化為灰燼投烽煙祭酒薰沐告執

政以古為鑑將母然書生贅閩疣見陋僅能瑣釋章潘

箋脫畫誰濡熟紙搨溲青不鍊生金填宋東都時曾鑄金填其刻文

嗚呼我生亦已晚姑闕其疑母鑿穿

送王霞九編脩典試粵西

使節盧溝駐蠻煙象郡開金觴遙餞客玉尺好量才蓬

島蜚聲遠灑江洗眼來秋香丹桂發定上越王臺

朔方健兒射獵歌

拓弓霹靂鳴飛鏑饑鴟叫怒馬獨出雙鵬回加足鬣鬃

示騰越胡姬十五彈琵琶勸飲殷勤身手誇銅管生吸

四子

聽松濤館詩鈔卷四

鴻泥集下

四

黃塵血枕戈，瓊帳眠平沙。火急官符昨下，府購射南山。白額虎，楓林月黑，佞鬼呼不來，健兒來獵戶。

宮中夜寒曲

却寒簾下峭風入，金鳧火斷銅龍漚。一稜簷月斜下廊，唾冰凝片肌粟粒。二十五聲更點殘，霜天雁過流聲酸。狸奴怯冷，獮偷暖，蛩偎近弓腰。蟠斜倚寶瑟，和衣倦。笙歌吹到回心院，長門魚鑰雙目醒。枕角聲敲虎魄釧，茶茶小喚無人應。周憲王元宮詞十三嬌小喚茶茶鐵綯壓縐雲，雁綾景陽樓上鐘催曉，再緩些時誰更能。

悲落葉

悲落葉，棄天青，雨點急欲落，故高飛。脫枝難再接，來似湘

三夕今三

聽松濤館詩鈔卷四

鴻泥集下

聖

纍投洞庭去，似明如弔邊。月霜水染野，火燒昔日花飛。且墜溷，何況花底託長條，絡緯啼不歇。秋聲來樹梢，童子開門聽疑吼。海門潮悲落葉爛如許，可憐委泥沙。東風懶擡舉。

聽鐘鳴

聽鐘鳴，鯨鏗百八聲。喚人當猛省，淒辰難爲情。嚇更初轉，鵠鑰開繁星。欲落孤月明，烏亂啼魚陡躍。晚臥不會長夜拋，少時一燈紅。老屋今日寄禪龕，短檠埋牆角。蕩子腸九迴如轉，輓轆索聽鐘鳴。淚暗彈天學，人情冷鐵衾。伸腳難。

題唐子畏畫韓熙載夜宴圖

勤政殿前韓承旨豹畧麟經大言哆自量無策爭中原
笙歌遣悶擁羅綺蟬紗小帽輕籠頭門生執板新姬謳
鶯餅駝羹宮饌賜事得天子喜風流鴛鴦教主官家作
避暑漫鈔李後主微行媚家醉後大書壁曰幾倚翠偎
斟低唱倚翠偎紅鴛鴦寺主住持風流教法

紅日捱過一闕櫻桃一斛珠斷腸更唱家山破

念家山後主演爲念家山破

嶼巖集舊曲有

破其音嚙殺乃敗徵也

江南花落鷓鴣飛麝月香銷

歌院非悵望梅岡宿草長去妓箱中乞食衣往日銀屏

掩畫扇燈闌纓絕長宵醺誰料千秋作笑端

十國春秋熙載常著

衲衣負筐令門生舒雅執手板於諸姬院乞食以爲笑樂蕃妓四十餘人與賓客雜居帷薄不脩物議闐然熙載語所親曰吾爲此自污避入有人描入鶯溪絹畫中

相爾老矣不能爲千古笑端狎客睨妖姬誰向隙風偷眼窺顏笑癡顛唐子畏如見

簪履交錯時

聽松濤館鈔卷四

鴻泥集下

聖

借仲寅出都別同人

折柳深情寄落梅三年浪跡悔燕臺已經顛倒七非侯
莫更掄揚五可才鼎鼎韶華虛叱擲縣縣遠道急蹄催
歸家襍被尋常事只愧看花特地來

一具琴囊一劍函黃塵撲去又霉黧風飄榆莢添腰纏
雨打槐花點汗衫馳馬故裝遊俠樣過船羞指孝廉銜
故人停唱陽關曲東去夷門有阮咸

堯母陵

在望都縣

德合天爲大祥開女有宗精靈分畢昴世族溯陳陳鋒華
表猶巢鳳黃雲似覆龍縣名標日月尺土盡堯封

定州慕容容垂墓

借寇翻攻鄴乘危遽復燕老姦囊底智重攻慕容承日

以克餘燼藁頭燃時有童謠曰一束藁兩頭燃禿頭小兒來滅燕藁字去兩頭為高字後垂

子照為高雲所篡禿頭乃雲父小字孰縱饑鷹颺難為害馬鞭黃泉若相

見無面對苻堅

常山哀 弔顏杲卿

豬龍奮起森牙角毒霧腥風漫河朔吞昨日光走猱雷

淘戶屠城戰鬼哭常山太守顏杲卿眼底何曾有軋犖

沙河謀報投草渡土門羞指汚緋著檄告平原阻喉咽

潛通副使潰心腹河東果肯為聲援王承業為太原節度使杲卿許取賊

將何干年高邈遣子承明賊送京師王承業寢其表而

掠為已功後常山被困遣使求救承業兵終不出

率然首尾自聯絡漁陽鼙鼓殷如雷潼關日盼哥舒來

一面孤城當四面老羆臥路豨衝回尉丞贊助勤王畧

子弟軒昂辦賊才帝合青騾遠巡幸天教羯虜爭轟壓

木鷲衝火衝梯舞鐵魚飛牡城鑰開賀蘭坐視睢陽破

余闕生拚皖井埋男兒死耳終無悔血屬何冤同叔灰

髮收尙拭君王淚初杲卿被害徇首於衢無敢收者有張奏收得其髮持謁上皇是夜見夢

帝寤為祭後奏歸髮於其妻妻疑之髮若動云舌斷甯知將士哀從此長安失

門戶直擣長驅無間阻公卿縶縛如刳羊將帥迎降如

伏鼠唐家神鼎幾傾覆百戰艱難復靈武若非藁城燈

骨當郭李何由羊牢補橋南碧血化土斑戰場箭鏃耕

春雨殺賊九原猶鬼雄共此心者惟張許

過欒武子墓

在欒城西北五里

煙漠漠草茫茫松柏之下眠牛羊蟾蜍已出靈公塚公
車一乘何荒涼臣骨且不朽碑識冠平岡功德在人口
母奈子孫隕前光藩帷夜入乘槐覆莫非匠麗留餘殃

欒城下鋼黃賜覆若屋封若堂捐穴老狐深夜哭明日

又來廣川王西京雜記廣川王發欒善塚有一白狐見人驚走左右擊之傷其左足其夕王夢一

丈夫鬚眉盡白來謂王曰何故傷吾左足乃以杖叩王左足王覺脚腫

殺虎林

欒城北十五里晉末契丹主耶律德光入汴北還四月次欒城病甚行至此而殂

白團村足死堯骨

耶律德光小字堯骨與晉主重貴戰於白團衛村遼軍大敗幾為晉軍追

獲天驕不合此間歿橐駝竟負逃幽州留待欒城樞車

發自從石郎迎馬前漢兒會無一眈眠述律太后謂羣下曰漢兒何得

四廿五

聽松濤館詩鈔卷四

鴻泥集下

四四

一眈眠自古但聞漢和蕃不聞蕃和漢漢兒果能回意我亦何惜與和十萬橫磨孫子劍

不敵迺翁弦控干黃龍府中母子哭生求噉飯死求藥

晉家土疆難輦還括盡金珠打草穀德光遣胡騎四出劫掠謂之打草穀

鐵鷁全隊趨黎陽帳外流星隕赤岡遺言三失心悔禍

發喪縞素歸臨潢肉山四月雲蒸火蠕蠕屍蟲嚙瓊裏

鮑魚臭亂輻輳車帝羝鹽漬骨幹朶瓜渦傘淀魂難歸

殺虎林中望帝飛古來躡兵天所忌不見扶餘阿保機

遼太祖亦卒於扶餘城

趙州分詠古人得啖主簿助

左氏文章紛藻葩丹楊主簿力攻瑕爬搜未必鍼盲手
沾丐依然賣餅家放論商周殘慧捨私尊趙陸瓣香誇

麟經何意遭斯厄凡例於今亂似麻

柏人城

在順德府唐山縣

張頤卽嫂罵麴翁威迫人反覆如償負人亦迫之驚白
登有餘怒遷怨葭葦親辱王自俯首難爲辱王臣桀犬
向堯吠骨氣亦嶙峋惜哉同狗盜誤主還戕身藏兵於
廁壁舉事幸無成莫狃事無成君宜慎怒嗔

邢臺道中避雨光武廟榜廟半燬落

對竈燎衣草舍停風飄屋瓦走驚靈真人火德多神讖
上界雲臺到客星登俎可容豔豕白當車猶怒蜀蛙青
門前大樹都彫隕千古傷心麥飯亭

豫讓橋

在邢臺城內俗呼爲板橋

二可字八

聽松濤館詩鈔卷四

鴻批集下

四五

庸人身報恩國士智防患徒薪無特識事後徒焦爛智
伯愎而驕其才猶果斷晉陽城版淹亦應防反灌豫讓
箝其口瘖啞如吞炭本來一庸人誤作國士看殺身仇
未雪刺客儼同傳若軻其盜諸吾且援成案

元太保劉秉忠里

密參帷幄贊昇平錦繡歸來戚里驚塋匠禪僧刀筆吏
世間何術不成名

過邯鄲

炊熟黃梁且飽餐偏教醒眼過邯鄲此身無分中書令
要作盧生夢亦難

邯鄲宮弔趙王如意齊王高緯二首

總爲驕憐釀禍胎北雞人彘互嫌猜宮中療妬無鶴肉

廁上甘心代鳩杯軼道尋窈蒼犬化泉臺訴枉赤龍哀

金輿玉珎無消息舊殿温明沒草萊邯鄲宮乃趙王如意所建在城西北

一里東漢初猶存光武破王郎居邯鄲宮畫臥温明殿是也又齊高緯嘗營邯鄲宮蓋卽趙故宮更爲營建耳

址存

高末離宮事宴游晉陽金鼓不防周橫陳玉體鐘樓曉

開遍黃花鏡殿秋後主穆后小字黃花本宮婢自立爲后帝昏飲無度先是童謠曰黃花勢

欲落清觴滿盃酌言黃花不久也帝嘗於嬪嬙諸院中起鏡殿寶殿獵請官家圍再合曲

教天子唱無愁儀同開府閒鷹犬會住丹陽十二樓

叢臺 在邯鄲西北趙武靈王所築

一綫漳河捲雪來中山城郭眺叢臺荅顏女嬪粧胡服

四九一

聽松濤館詩鈔卷四

鴻泥集下

哭

蚤侍君王教射回史記趙世家王夢處女援琴而歌詩曰美人粲粲兮顏若若之榮吳廣聞

之因內其女孟姚甚有寵於王

探敲宮簷事可悲沙邱一餓報膚施金輿玉輦終何在

疥壁人題李遠詩唐李遠叢臺詩云金輿玉輦無消息風雨年年長綠苔

弔平原

邯鄲危急信陵求門客三千鮮一籌笑蹙干他何事去

後宮窈斬美人頭

囊中毛穎事何成跪奉銅槃一定盟無故和秦捐六縣

當時料事獨虞卿

曹操疑塚

在彰德府講武城外凡七十二處高如小山迤至磁州而止

秋墳鬼唱月淒淒築舍譙東意已睽到底空去街題墓

道怕人還說漢征西

丹沉故妓渺何憑箏笛湖中尚有燈誰識雀臺遺履賣

賺來風雨望西陵

荒邱七十使人疑遺令何條不熟思他日同槽三馬躍

應營一穴待孫兒

河伯娶婦謠

魚爲媵鴨爲媒繫帆送鼉鼓催綏綏河伯民間壻新婦

帷車不敢開車中暗鳴咽玉筍界桃腮云見洛濱神女

去不見河伯外孫回魏書高句麗傳高句麗先出夫餘王嘗得河伯女閉於室中爲日影

所照孕而生邪有一男破殼而出其母字曰朱蒙夫餘人以朱蒙非王所生將除之朱蒙走遇水祝曰我是河

伯於孫今日逃走逆兵垂及如何得濟於是魚鼈並浮成橋朱蒙得渡 鄴令呼嫗來今日

聽松濤館詩鈔卷四

鴻泥集下

聖

新婦醜煩嫗傳言與河伯改日爲神覓嘉偶投三巫繼

三隻廷掾相顧驚蒲伏泥其首不敢欺使君河伯停娶

婦匪惟停娶婦助水灌民田嗚呼使君離鄴忽千年昨

日里胥掠社錢

韓忠獻王琦故宅

魏公心事注朝廷晝錦歸時髮半星勦破人情全晚節

觀魚亭畔狎鷗亭兩亭俱在彰德府治北

鄴城弔古四首

曹魏

十二渠環漳水濱阿瞞曾此定三分銅駝址廢埋秋草

金虎臺荒占野墳曹公築三臺於鄴中曰銅臺南曰金虎北曰冰井 亂世姦雄

原似鬼成家子弟總能文讀書圍獵譙東事不肯歸來
暗哂君

後趙

金碱銀楹玉椽題九華宮裏醉魂迷不防棘子終忘祖
十六國春秋石虎享羣臣於大武殿佛圖澄行吟曰棘子成林將壞人衣石虎發石視之有棘子生焉冉閔小字棘奴石虎養以爲孫後盡瘞石氏甘爲櫻桃再殺妻敵騎長驅蠟螭塞
家人暗試獼猴梯石韜宿於佛寺石宣使楊杯等緣獼猴梯而入殺韜置其刀箭而去鬼
兵百萬供營繕今日斜陽照鄴西

前燕

鳳降麟游自有真中山僞璽豈能神西椒鷓鴣鳥方生子
鷓鴣巢於藁容僞正陽殿之西椒生三雛五色成章北漢羣臣上賀以爲鷓鴣者燕鳥也言大燕當興之兆

聽松濤館詩鈔卷四

鴻泥集下

聖八

魚羊竟食人虐媪垂簾干國政驕王積帛借丁縉梁山
手縛降天子紫陌成墟戰馬塵紫陌宮在鄴城西北五里

東魏

跣足禳星事枉然政由高氏挾東遷佛狸遺業傷塗地
河灘橫行欲上天奴敢逼人超一乘朕何求活飽三拳
童兒莫漫彈青雀飛入空城總可憐時童謠曰可憐青雀子飛入鄴城裏
羽翮垂欲成化作鸚鵡子青雀謂清河王鸚鵡謂神武也

扁鵲墓戲作

在湯陰縣東南十五里

扁鵲一遇長桑君能窺癥結探腠理湯熨鍼砭隨處施
特將診脉爲名耳越人那能生死人自當生者使之起
爲帶下醫小兒醫貪天之功以爲己醫道苦少病苦多

酖毒斧斤開目是世人膏火自煎熬爲六不治病難已
嗜利求名俱殺身扁鵲猶聞以技死

湯陰弔岳武穆四首

天上將軍除是飛至今閭里尙獻歔一家旗幟山難撼
五國刀環水不歸棘寺倉皇憐小紙金陀黯慘說遺衣
錢塘門外宜人塚南宋相眼詔臨安府訪求岳將軍屍其墳在錢塘門外當時私號賈宜人塚
冢一例湯陰弔夕暉

班師休怨太匆匆闕外朝端意不同直待他年來白雁
肯教今日抵黃龍戴天甘共讎諸將復辟安歸忌兩宮
枉鑄權奸汚楚鐵臭名甘受在牢籠

孰使雕兒誣起兵爰書三字欠分明妖星奴僕宮中照

聽松濤館鈔卷四

鴻泥集下

完

毒霧平章筆底生鐵銳羸官碑合刻宋史武穆養子雲軍中呼爲羸官人
手握鐵鎚重八十銀瓶弱女井同清呼冤莫更風波說
助得全家死後名

知幾腐語責人難那得閒如局外觀八月麻衣廬墓戀
三年碧血劍光寒敢仇殿陛鴟夷賜只當疆場馬革還
森竦南枝無北向悲風日夜響林端

箕子廟十四韻

廟在箕縣

一闕投河操哀彈血淚俱禿京原有客屋社恥爲奴麥

壟離宮址柴門舊宅墟

淮南子武王伐紂破之乃封比干之象表商容之間柴箕子之

門天廷猶訪範皇極自陳圖錫福羣生厚封功大賚敷

朝鮮綿子姓樂浪實夷居版土消奴部官曹大對虛書

高麗傳高麗出於夫餘實朝鮮故地其南部曰灌奴部
北部曰消奴部其官大者曰大對盧或曰吐粹曰鬱折

國人能誦典餘事僅投壺頗異三方俗仍存八約模漢

書箕子封於朝鮮置八條之教其人終不相盜飲卽今

食以籩豆故東夷通於柔謹爲風異乎三方者也

神隧在朝鮮十月祀箕子神國城東終古帝師呼汲郡

惟存廟淇城尙式間祀猶饋豆日像是漆身餘尸子箕子胥餘

漆身而爲厲胥餘箕子名周德何汪濊殷仁嘆渺徂頽垣蒼鼠竄所

賚走村巫

遮馬陂爾朱榮殺朝士於此凡死者千三百餘人
在衛輝府汲縣城西南十三里

君不見漢董卓來自并州恣威虐賊殺公卿頭繫轅刳

屠軍士骨投鑊一朝郿塢入鈔籍臍脂燃火肉爭嚼又

不見晉桓温雌聲小眼師王敦羽葆來朝百僚懼作色

聽松濤館詩鈔卷四 鴻泥集下 五

立威誰敢言汗流王謝倒持板駢戮殷庚寃覆盆從來

梟獍蓄謀久惡除君側先藉口生靈塗炭始衣冠顛動

殺人施滑手爾朱天柱牧馬兒射生圍獵祁連池子弟

如熊復如虎坐擁哮鬪窺天時定陵弓劍忽長往當壁

無人鑄銅像椒宮詐賀前星明充華有女稱儲兩委裘

冲子累卵危騰口宮中燭影疑秀容騰表論徐鄭馬蹄

十萬趨京師鞭梢掣指奔流電謀報朝堂相覷面遙拜

將軍盡膝行如遇餓豺皆股戰弓刀自嘯鏖角喧鐵騎

遮繞行宮門戈樁環築橫沙草天地爲愁日色昏元氏

中微妖賊起將軍遠來爲柱砥未曾白波黑山驅先取

王公試鏡矢王公本皆刺促才橫死無辜亦可哀追尊

乞贈徒多事稱兵此舉因誰來攘則大言全平賊膝下
橫刀天奪魄假手驅除賀六渾韓陵山下土皆赤

蔡邕斷碑在延津縣治蔡邕常為酸棗令劉書撰去思碑斷碣存焉

手筆流傳孝女碑外孫藿白色絲辭自家不忍離酸棗
反倩劉生撰去思

汴隄行

布鞵青鞋驢策蹇弓弦路直沙隄輒隄邊衰柳故姓楊
裊絲團絮不堪翦當時一縑插一株嫩羊餐葉如啖芻
太液池前嫌寂寞要看團陰綠蔭塗豈少風亭與月隔
豈關靈區並仙藪無奈官家木命人時有術人章仇太木命人雍州是破木之衝不可久住合到河陰種官柳大業黃金賤似沙

聽松濤館詩鈔卷四 鴻泥集下 五

脩復洛陽還晉家行宮各刈留香草長孫晟指帳前草謂啟民曰此根可

香啟民嗅之曰殊不香晟曰天子行幸所在諸侯躬自掃除以表至敬之心今牙內蕪穢謂是留香草耳啟民曰奴之罪也乃取佩刀自芟庭草迎輦新開並蒂花花開花落綵纏樹

結綺飛英留不住木蘭亭看廣陵圖手指江南曾到處
廣陵遙在汝淮東板渚邗溝路未通御題十字傍加水

催促麻胡早戴功鐵腳木鷲浮且止點檢丁役加鞭捶
有名籍入開河夫無力僵為抱沙鬼龍舟三月下江都

朱絲網絡錦流蘇引繩三番殿腳女手敲金楫唱吳歛
更有長眉號蛾綠波斯螺子日催索可憐妬殺袁寶兒

一庄司花未分著螢苑螢飛寶扇兜偃肩私語看牽牛

薔薇花下聲吃吃宮奴偷戲學迷樓只道樓中作花窟

誰知隄下填人骨天童喚縛阿麼來院使喧傳玉李發
半醒半夢登雞臺分明荅句麗華催海山月影朦朧夜
後主游魂冉冉來五更驚悸不成寢來夢兒搖一就枕
家事難了令公亡外間人圖好頭頸賊星逼座生妖芒

拆字芳名借杳孃點畫相推十八日埋煙泣草哀雷塘

河成金盡家旋破少留儂處真無那楊帝贈宮婢羅羅詩曰此處不留儂

白有留儂處一身招怨千年利昨夜漕艘銜尾過玉鈎斜掩

玉真如西苑無人輦不歸惟有楊花似歌舞琵琶溝上

逐人飛汴梁城西有琵琶溝煬帝幸江都鑿溝入通濟渠以形似琵琶故名

良嶽在開封府城東

頑青鈍碧峯頭土破壞江山竟如許黃昏悄悄月窺人

女沈 聽松濤館詩鈔卷四 鴻泥集下 至

樹立鵝鷓作鬼語鶴莊鹿砦俱荒涼可惜從前風景裝

宮筵尚惜玉脂瓊良嶽偏催花石綱一花一石民何悖

貼上黃封室已罄甯窮搜括快君心休遲輦挽惜民命

神運峯前別有天留雲宿霧更藏煙椒崖杏岫丁香嶂

藥寮桃開海棠川查牙露齒蹲獅象抱犢昇龍各俯仰

扶闌躡上朝真梯飄飄原有出塵想果使元祐諸公留

天子何妨偶宴游媼相權姦借威福童騃浪子呈曲謳

括田權稅年增額改觀築宮役無息五坊衣尙太師青

六宮讖忘天水碧清波雜志宣和時京師坊間染色名

屍亦其驗也鐵圍山叢談昔李重光染帛爲天水碧天

水國姓也爲藝祖逼延江南之兆及政帛之末復爲天
水碧未幾金人寒盟
豈亦逼延之兆乎
牟駝岡上起煙塵壽山花木毀作

薪馬矢百筐填筠館牛車一乘投青城城下青衣哭父
子荒淫終局慘如此若非泥馬渡江來半壁東南事去
矣紆千山頭雀可哀單于臺上雁飛來半臂傳書九哥
寄苗香偶拾鄉難回鐵圍山叢談太上皇北狩不得中
原音問一日將調羹呼左右出市
苗香偶拾一黃紙包苗香來上就視之乃中興赦書也
始知康王卽位於是大喜曰苗香者回鄉也豈非天意
乎紅棠夜冷鷓啼血冬青陵下遠收骨大好池臺守不
牢魂倚邊關弔明月不管興亡仙奈何培山祇望子孫
多康王太似角蠻鼠臨安又有銷金鍋

陳橋驛

在開封府城北四十里

高祖能殺趙童子

五代史補周高祖之入京師也三軍
分擾殺人時有趙童子者知書善射

竊憤之乃大呼於衆曰太尉志在除君側以安國所謂
兵以義舉與輩敢爾乃賊也於是持弓矢居巷口凡軍
士

聽松濤鐘詩鈔卷四

鴻泥集下

五

人之來犯者輒殺之高祖陰謂世宗曰吾聞人間讖云
趙氏合爲天子觀此人方畧度量近之矣不早除去吾
與汝其可保乎於不知夾馬營中赤光起世宗惟疑張
是假以罪誅之

點檢不防天水真人禁兵典五季干戈之局終天使混
一車書同李代桃僵薪保耀似有呵護冥冥中陳橋驛
千古疑兵夜噪知不知夢醒黃袍已覆體簇擁似裂檀
州旗禪書陶穀袖中出承旨預草當何時香孩兒郭雀
兒兩人前後若相師大家孤兒寡婦欺嗚呼天道如反
覆母子艱關投海哭誰存趙家一塊肉

官渡

兵如善奕爭先著一著輸人失全局憑強襲許師無名
於曹爲直袁爲曲便當偃旗息鼓行批亢擣虛兵神速

兒病遷延失事機養成敵銳芻糧蓄阿瞞似鬼能用兵
不比伯珪才碌碌久持官渡爭雌雄將怵主驕遭折劍
幅巾匹馬逃倉黃臂把將軍首領託不如橫刀出東門
意氣當時猶磊落

汴故宮七首

王氣潛消換物華依然清汴抱城斜列侯第宅多荒塚
前代碑銘有梵家禾黍西風中渚雁梧桐冷月上陽鴉
琵琶溝裏輕舠過抵似銀河一泛槎

休說千門繞建昌建昌宮朱溫所造掘聲紫色晒朱梁金蓮禮

佛昭儀寵禕鞠陳衣故后忘叔姒一家羞共輦夫妻兩

地讓專房五經遺澤八牛讖五代史補李淳風轉天歌其字有八牛之年讖者以

五十一聽松齋館詩鈔卷四 鶴泥集下 五岳

爲朱字乃梁太羸得瓊裙瘞下牀

繡柱雕楹最上頭棲烏會見帝王游絲韁玉騎長春院

羅扇丹螢避暑樓十里海山依汴曲二分明月似揚州

江南八閩人間唱暮雨雷塘黯黯愁

耿耿銀河照御街早朝催促看時牌置莊天女求珠帕

眞宗章獻明臨砌前星卜玉釵李宸如事社飯思量羹匕在

瑤華冷落鏡奩埋獨憐生劫青城去遠寄金環淚滿懷

貞祐宮闈異海陵青紗教字影層層俳優鳳瑞加官笑

巫蠱鴛符大獄興姊妹承恩梳化月金宣宗皇后王氏明惠皇后妹也其

父徽時嘗夢二玉梳乞兒入夢厥施冰日王皇后受封之

化爲月已而生二后而後夢乞丐數萬踵其後心甚惡之羅山對食防君寵

率出東華賜賧繪

樂府樊樓短筵聲一時低首定王名運移未造黃巾起
水決長隄白馬橫不信河神資反灌可憐宗子失維城
庫金千萬空懸賞合悔移封事未成

永樂二年帝以汴梁有水患將改封

周王構於洛陽王言汴隄固無勞民乃止

梁苑繁臺更渺茫興衰僕指話滄桑榛苓永慨周京錦
荆棘長埋晉洛陽橋礎流傳惟白虎

白虎橋在城內今惟礎存

奴盡更紅羊經過自與屠沽混名姓何曾識賣漿

遊相國寺戲成

琳宮紺宇影沉沉大字標題榜鑿金卷舌訛爲廝國寺
南人強作北人音

四世三

聽松齋館詩鈔卷四

鶴泥集下

五

過羅山宿藍孝廉書齋索句爲贈卽席成二絕嫌

意未盡再成長篇

兩客不速來恩恩

家仲寅同宿

姓名無暇投刺通主人倉卒

具雞黍柅轄閉門陳孟公更呼肩匠爲梳櫛憐我鬢亂

如飛蓬爲問南來行幾日高居士座談天翁夜闌燭盡

語不盡僕頭觸碎縑屏風弟子背書如瀉水文選能誦

都西東齊伏壁間聽客語似謂不然鼓胡隴嗟子成名

苦不早久欲投筆云從戎河濼海夷斥堠靜何用終軍

橫草功邇來丞相書三上揣摩猶欠語言工落拓長途

南北阮不及西河大小馮日餐塵埃心孔塞熟字皆迷

大索空翻取榴皮爲題壁意將一和韻玲瓏君偏不易

示人樸於我判白還批紅餘意顛猴終格格快吐翻倒
呂梁淇留與明朝慰離別八分且棹觥船空

漢口別仲寅

西風吹斷雁墮水一雙影脩脩翎尾訛沙渚夜寒警稍
梁四海輕霜露一身冷同是離別情我別尤酸耿念我
離京師飄浮猶木梗人眼冷於秋得子行裝整跛蹶窮
相驢盧全詩頗奈窮相驢行動如跛驢一行鞭一打計程歷三千始達
武昌境我舟入彭蠡君舟向湘郢明知有會時難爲此
時景江漢尚同流一家乃分騁

吾宗守樸質寒士視爲田如子青雲器低首微祿牽少
時學官樣竹馬喝人前指揮小兒輩門巷塞駢闐十五
同視席文藝爭後先舊景心如繪光陰彈指遷牛刀爾
且試佇看三五年同遊多不賤似我何迤邐獼猴騎土
馬望塵倦著鞭此行徒僕僕歸去竹林眠魚書幸相寄
日望大江邊

黃鶴樓

漢江西合洞庭流瀉入長空灑灑秋三國旌旗連夏口
六朝裙屐說南樓仙人已去誰橫笛過客無情獨艤舟
生世本稀騎鶴骨武昌魚好且勾留

鸚鵡洲弔禰衡

黃鵠磯前一抔土湮埋玉樹名鸚鵡濁世愛才能幾人
生自不能容黃祖一刺難投當奈何且屍塚游屠沽伍

監廚請客姑勿論忌才曹瞞亦雀鼠破卵焚巢融且收
何況正平門下舉慎莫近前丞相嗔漁陽搯搥空激楚
疎巾槍杖詈營門抵過陳檄頭風愈怒罵非不快人心
奈從虎穴鬚編虎送與荊州代捉刀嫁惡他人名自取
從此顏回不復生萋萋洲草墳無主

遇蕭標艇張覃九同舟水涸舟狹風勁日驕守候
津泊輒八九日熱氣熏蒸甚不能耐兼有絕糧
之厄強催舟子日行十餘里悶極賦以自遣

瓜皮艤子泊長堤八九日風來自西索性眠桅惟打槳
行看轆釜又空棹倒頭蜷席如癡鹿塞鼻搓團奈愠羝
借得商邱公子集消閒試看短行批

蕭標艇行篋攜有
壯梅堂集重刊本

聽松濤館詩鈔卷四

鴻泥集下

五七

可觀

擣衣曲

迴身折步腰如杵撩鬢匆匆向人語秋光熨波縐韉紋
淨拭寒砧擣霜紵一回煩擗一回思緯經雜組鴛鴦絲
石稜凹凸衣稜破揜袖平鋪杵下遲西風砭骨衣裝棉
檢點嫁衣紅摺鮮爲漬淚痕不忍著疊在空箱三四年

老馬

柳下眠陰瘦欲僵送人征戍老沙場瘡墳烙印蝨攢腐
背隱鞭痕烏啄瘡恥戀殘其哀阜圉終留朽骨待君王
秋風戰鼓雙批豎肯負鹽車上太行

老牛

債了耕耘又輓轅天寒日落散孤村買犍幸許寬餘力
舐犢還教報舊恩慣聽無腔吹牧笛深愁大嚼過屠門
掛書雙角騎猶穩遠射眸光信手翻

老羊

活到紅羊換劫年角羸髯短毳毛羶丹爐火候經鞭石
雪窖光陰記嚼羶老圃紅蔬防疊蹴平岡白草見橫眠
門前問字重迴首歲月束脩弟子牽

老犬

不逐淮南閫苑行難拋參養主人情附書關塞能奴代
飼飯盆盂盡母迎村警隔籬寒吠影客臨搖尾熟呼名
金鈴牢繫花前睡租吏稀來莫浪驚

老驢

浪跡頻年類轉蓬青衫策蹇慨途窮扶鞍自笑高人墜
挂榼休提舊將功劒谷酸嘶衝細雨灞陵禿尾怯尖風
團團更轉如輪磨遮眼何曾一綫通

老駝

腫背坡陀廢贅形橐垂函負棧程經積中泉脉探行帳
塞外風沙語默鈴錦帕封題香腦透肉鞍磨退褐毛猩
中宵蹄地寒鳴圓涎想糟蹄遠餽餅

老象

肖物身兼十具饒昂藏疥體肉山搖聽經下座皈諸佛
立仗頭班賀早朝燧尾掀開燒點現埋牙刷出土斑銷

長安六月喧旗鼓赤手蠻奴意氣驕

老鹿

蕉夢茫茫失故蹤人問何處覓斑龍
秋風萃野銜香草五月芝山養紫茸
漢代銅牌猶挂角蘇臺玉鏡冷窺容
前村翻作中原逐鋌險奔過四五峯

老猿

一軍新化好巖居嘯月梯雲意自如
夜廐跳梁欺病馬秋山拾橡役羣狙
飛來木杪談仙劍偷上樓端讀道書
何似孫家供奉貴緋袍呼賜沐冠初

老貓

穀穀連聲總不知隔鄰猶自喚貓兒
牀前偷暖酣眠毯

二十四

聽松濤館詩鈔卷四

鴻泥集下

五九

竈角貪腥厭餉脂跛足休爭騏驥騁
慵啼甘受鼠鼯欺主人對客還稱許
一綫睛分日午時

倦繡篇

茶面旋花凝螺盃藕腸抽縷刺簪管
薄倖無音山上山香腮斜托繡牀
嬾幔顏斜掩簾額低半晌騰騰睡
思迷午牌移刻銀箭轉起撥鑪灰
剖麝臍熱申熨倒葵綾皺翦股涼
冰葱指透猶兒抓亂金色絨整理
風前緒難就楚雲吳月隔迢遙
獨蛹單絲怨寂寥方錦追憶迴
文寄薄紗躊躇韻字挑斑雖忽嘶
門前路扶下征鞍張飲具唾絨黏
在銀屏風指是停鍼憶遠處

梳鬟歌

海棠睡足風扶起玉釵輕溜枕函底鬢雲半鞞韜鬚鬆
豬鬃掠削不能理了了玉臺銅鏡明背立簾前晁水精
香絲撒地靈蛇曲纏腕一綈梳滑聲鸞篋漬透蘭膏膩
盤鴉墮馬隨郎意三分餘髮縮同心生就鬢雲不屑鬆
呵花貼鬢貪新妝更點蛾綠畫鴉黃碾玉蜻蜓雙颭影
蹙來廚下調羹湯

悼巫雲四首

悔留虛約待三年粉竟成灰玉化煙雁杳魚沉偵信息
鶯迷燕賺了因緣定知錦石拳猶握似望金泥喘少延
四月初三京邸夜押衙曾向說沉縣

尙疑傳語未全真一夕愁腸比轉輪紅豆慘歌香草徑
九〇九

聽松濤館詩鈔卷四

鴻汎集下

卒

綠珠輕隕落花塵橋頭竟有浮沉使陌土長爲薄倖人
往日黃椒空檢點惟留韻字舊紗巾
無情綠鳥自啼梢等是春光覺寂寥如殺桃花猶似面
困眠楊柳不勝腰紙錢誰上真娘墓寶屨生愁羅剎橋
懺悔施齋原乞命法王空賺翠雲翹
杜蘭香降渺難知西望巫雲酌一卮煙穉魂招香飢饑
瑤房囑閉鎖歲蕤月明瓊珮浴妃浦雨暗棠梨燕子陂
爲爾斷腸書本事收之憔悴幾篇詩

常山舟夜醉吟

煙中人語生幽火一星大老魚撇波跳輕艇打槳過漁
弟船頭歌漁兒船尾和蒼茫發酒悲鐵撥敲壺破鼻調

吹華胥齁齁人熟臥檳榔不壓酸垂項盤中唾眩轉頭
岑岑身似浪花簾借此眼前題補完燈下課轉念新春
頭團傾家釀粳某乃檣檣爲南北售醋馱資暇錄往有士人貧居新
鄭之交以鹽負醋巡邑而賣復落魄不調邑人指其醋馱而號之後遂稱士流爲醋馱獨抱心雄
飛自韜性雌懦人情攙炭冰世味飽糠莖三十遽龍鍾
每食需殺佐晚餐囊破慳魚鳧不論箇幽菽伴屑薑手
調禦腸餓酸冷詩家脾健食殊肉磨清異錄晉祖時宦者廖習之食量寬
博晉祖嘗云卿腹中不是脾胃乃五百斤肉磨明星已没天揉腹蓬窗坐

江山船曲三首

桐廬煙水灣復灣放到前灘又放還七里瀧行須七日

教郎且望江郎山

少時三 聽濤濤館詩鈔卷四 滄泥集下 空

郎來莫惜青銅錢兄兄妹妹作同年生成臂腕宜珠絡

破費頭梢要錦纏

煙生人語趁潮時潮去潮來郎未知料得郎心潮水樣

願留都是假心兒

子陵釣臺

一竿肥遯傲千秋咄咄巖光似許由自量無功爭馬革
便從初服老羊裘雲臺列宿客星避石瀨高風大樹留

日落江空人不見孰攜如意哭西頭

鳳凰山懷古

在杭州府治南二里下俯大江直望海門山勢若鳳凰欲飛之狀明徐賁詩土厚尙封南渡骨月明不照北歸魂云云

紇干山頭凍雀死臨安華堂處燕子鳳凰九苞羽族尊

野鴨相欺徒來此此地原非千仞遊人說杭州勝汴州
綠水桃花隱泥馬青山桂子愛金牛半臂雙環黯慘說
凰在冰天鳳丹穴銷金鍋裏三春花投石坑前一丈雪
鳳兮鳳兮不知哀啄殺符鳩白雁來隨烏百千分飛去
鴟梟暗晒鷓鴣猜焚巢危卵各相保可惜梧枝棲不老
朱鳥精魂化爲噉厓山風雨墜雛小

蘇堤春曉歌

東風吹醒眠沙鳥喚破堤煙湖上曉十二銀鈎搭上窗
柳梢猶挂殘月小蝦蟆更轉鵲鑰開畫舫初停寶馬來
馳過六橋香霧濕旗亭殢醉厭厭回垂絲跪地聽蹄絆
水光雲影眼花亂樓上玉人眠未醒賣花聲向門前喚
南屏晚鐘

參寥泉 在孤山舊智果院

清明時節換新煙槐火雲芽正試泉夢幻何知身是夢
禪因亦許味通禪蕭蕭蘭若憐三月草草黃州憶九年
杯茗相逢都有北人生何事不由天

孤山林逋宅

宿草逋仙墓下肥梅花千樹冷霏霏斷橋閒院無人管
鶴儂東山帶月歸

六和塔

一尖潮涌出七級綫盤空輪影搯江月鈴音荅海風城
根人似蟻泥爪客爲鴻徑欲騎鯨背飛過澗水東

月夜觀潮

江心盪影磨銀刀灑背寒光豎髮毛一丸蛻出千層膜
壞雲倒退如奔濤此會茫茫江月白此時沉沉海山碧
江月海山相盪搖煙波萬里平如席須臾龕赭風吐吞
一綫濤頭出海門地軸撞翻冰柱倒雷鼓亂鳴鐵騎奔
不知山走還水走轉疑濤吼月亦吼腥風遠撲跳魚龍
濁浪高飛濺星斗鐵弩無聲白馬旋銀盆洗月新娟娟
身在景中濯塵膩玉壺心地玻璃天欲投詩句入江水

聽松濤館詩鈔卷四

鴻泥集下

空

葛嶺二首

本師南海會依丈小住西湖不是家仙蛻羅浮飄綵蝶
姍嬰勾漏養丹砂水楊隄上棲真人風竹壇前掃地斜
一統志萍鄉有葛仙壇誰更多情描眷屬鮑姑同載短
每日竹先掃壇自繫

轅車

漢上已無乾淨土湖西猶有半閒堂膚功歲幣橙柑頌
戰畧宵燈蟋蟀忙玉節銀關勞措畫蘭亭蓉閣費平章
木棉菴裏誰題壁反覆循州債倍償

錢武肅王祠

海鳧亂飛天鼈伏蟻戰中原蝸據角牛屠馬販皆竊名

獨有錢王奉正朔錢王意氣真英雄鐵槩銀槍玉韉弓
突圍陷陣初生虎警枕書盤不睡龍義旗始建團鄉社
參佐幕官鸞手寫層霄王氣衝斗牛後宅神光喧甲馬
江東煽惑日重生閉門天子居羅平王莽轉杓觀夜象
桓元走舸防追兵手挽天弧射妖鳥疾過雷驅電光掃
渡水吞沙夜月昏旋營鼓吹霜天曉父老椎牛更別羊
金尊上壽歌還鄉瓌冕珠旒窺石鏡錦衣玉樹艷錢塘
錢塘城郭新有主斗帳牙旗元帥府五百木龍撩淺軍
三千水犀射潮弩紇千山頭凍雀啗黃羅御札縫衣襟
銅丸久懼巡軍令鐵券宜鐫靖難心祇云尙父終平賊
誰料全忠且竊國朱梁早賜增巨書羅隱空陳復讐策

夕七九

聽松濤館詩卷四

鴻泥集下

六

玉帶名馬恩綢繆肯把杭州拒汴州生子不如李亞次

稱臣願作孫仲謀

朱梁遣使進王爲吳越王增食邑二千戶有勸王拒命者王笑曰吾豈失

爲孫仲謀耶

握髮殿前揮老淚可惜江山如帶礪頂摩黃襪

眼小人印鑰相傳能幾世真人崛起車書同金鳳遙飛
入宋宮扶持典午慙張軌納獻河西似竇融綵繩圍宅
神靈判黃袱緘封天廟算拋却虎巖都會堂換得龍山
表忠觀荒碑祠宇枕平湖白髮遺民說故都燕子啣泥
巢畫棟蝸牛戴殼涎金鋪陌上花開春女踏歸來緩緩
兜珠鞞夕陽西墜銜雷峯看人猶拜黃妃塔

湖上弔韓蘄王

末路英雄老殘山戰伐餘夢中間睡虎背上穩騎驢如

此風波惡依然轡策徐清涼三竺好脾肉暗唏噓

岳墳檜樹

孤憤難教草木知千秋宰樹代分屍因他一箇秦長腳
累了頑銅累醜枝

西湖雜詠

賸水殘山著色圖如從紙上看西湖果然銷盡黃金地
怪得康王愛此都
六橋煙鎖綺羅遮歸北歸南總是家莫更淒涼談良嶽
年頭粗看馬墜花

十里荷花桂子秋畫船簫鼓沸中流小鬟低唱屯田句
抵似當年菊部頭

三十一

聽松濤館詩鈔卷四

鴻泥集下

五

小隊如雲鬧掃粧宮中教戰仿吳王年年玉帛求和議
枉自拈弓女校場

旗亭酒幔匝湖濱醬渫橙膏入饌新五嫂魚羹七兒肉
可知俱是汴來人

白塔橋邊賣地經臨安百里數郵亭誰人更問迎宮使
五國城來有幾程

銀泥衫子鬱金裙爭上錢塘蘇小墳腸斷冬青開樹樹
珠襦玉匣渺難分

豈惟棘寺染衣紅冤獄千秋少保同夜步乾星鐘殿響
山呼只有奪門功

逢場竿木且隨身鮑老郎當更笑人往事談如提傀儡

龍船七聖二郎神

鹿頭船唱棹郎過風月無情感慨多肯醉紅裙吹鐵笛
廉夫倚和竹枝歌

書小青傳後

雨打梨花瘦蝶嬾東風力薄香吹斷潮去潮來盼廣陵
流水不迴春光短春光流水本無情五噎三心怨女星
衾裯不暖癡雲夢薄命人間一小小青家在邗江住
水調清彈竹西路廿四橋邊教玉簫一曲纏頭不屑顧
錦字咿哦上口成心經合掌懺前生玉瓶一滴楊枝水
種就蓮花在火院折花墮水秋衾夢生世不諧鳩媒哄
渡楫桃根孽海填迴波栲栳帽錫弄豈敢羊羔厭黨家

少甲九

聽松濤館詩鈔卷四

鴻泥集下

李

低歌金縷亦烹茶不遣桃花輕換馬亦甘綵鳳終隨鴉
靡蕪短短秋山綠蕙質蘭心更脆弱耳邊時聒獅子聲
腕底那調鴝鷓肉垂簾對鏡嬌含顰瞰牖舐窗羞殺人
迴身肯容沾禁鬱慢臉生愁逆如鱗幸未刻眉錢印面
黃昏獨閉梧桐院觸響梁塵蝙蝠飛挂絲簷月蜘蛛骨
新箋寫淚疊方稜傳語阿郎喚不磨天寒手澀并州剪
漏永光搖大士燈玉蟲剔落虬膏歇擁髻無言悲到骨
絮果蘭因蓮性根似在空門欠祝髮豈少憐香女押衙
許贖蛾眉入絳紗芳心已作沾泥絮夙業拚爲墮溷花
臨池對影喁喁問我爲卿憐卿孰恨鴛符不是如意珠
今生並宿少緣分賸餘雞骨病莫支傷心休遣侍兒知

舊日嬖行又北去轉憶元宵戲謔時往時妖嬈畫屏指
三分情態一分似如今洗面淚無乾綵筆無靈鏡鸞死
明粧靚服重窺匳調粉磨鉛親拂縑寫得洛神剛出水
要描心事上眉尖捻印痕新紙痕濕取供床前斂衽揖
手擎甌盞呼香魂好來消受玉梨汁從今了却鴛鴦債
生天生佛離塵界也虧一陣黑罡風轉輪歷劫抽身快
蝶化綵衣龍化鉞搜奩倒篋翻紅衾遺照殘箋歸夔火
眼釘拔去人甘心吉光片羽流傳寶挑燈試讀焚餘草
細雨幽窗聲更酸等是有情天亦老嗚呼畢竟天無情
脂虎錦鸞何雜生鸚鵡鰈還相逐人間偏有斷腸聲
水思雲情幽恨結五角六張難備說小青休怨馮猶龍

茫茫六合杜鵑血

聽松濤館詩鈔卷四

鴻泥集下

三

館娃宮

在蘇州靈巖山前臨姑蘇臺西施初進館於此

吳王色愛傾城色不獨傾城且傾國蘇臺已見麋鹿遊
館娃宮址猶能識宮中麗質都仙娥視猶塵土如王何
螺子點完千斛綠不及妖嬈出苧蘿苧蘿山下嚮薪女
粗服亂頭尤姣楚判嬌作態顰含愁流睇橫波眉解語
是時越宮初選花雲髻新盤未破瓜問名早納天邊錦
纏臂先封溪上紗更有同車名鄭旦姊妹雙雙人詫看
賤日亦與鄰娃同貴時竟似顏色換朱輪送入土城東
綺羅膏沐工爲容習成歌舞人消受衽席兵戈在妾躬
妾到吳宮自得寵不信奇謀高蠶種替人復怨輕自身

事不分明心獨捧百花洲上築層臺臺畔宮門六扇開

苦要招人收禍水怕見花羞待夜來春暖香溪初賜浴

香溪在府城東二十里俗名西施浴處流入銅溝蘭麝撲俱肩珠幌翔雙

鸞拾遺記吳王為西施鄭旦貫細珠為簾幌二人催理

烏雲逞粧束尙衣新進六銖裳撼碎真珠觸珮璫宮娥

早叠眠琴石阿監齊迎響屨廊承歡待宴無晨夜荷花

菱角灣銷夏銷夏灣在洞庭西山要採荷花卸錦帆錦帆

涇卽府城濠也舊為吳王遊賞處雙分菱角裹羅帕從此嬉遊秋復春

百千眉眼看一身祇憐歌舞嬌無力那知還有臥薪人

犢鼻樵頭衣無裏夫劉藁芻妻汲水縱為臣妾分宜然

彼亦王如何至此虎欲搏人身先卑無奈君王甘受欺

直待六軍猿鶴出千罪萬錯歸蛾眉美人豈真亡國物

國體無傷疥癬疾城門不卽懸屬鏤宮寢何妨侍巾櫛

女戎疑案應平翻於越句吳並受恩越王看作釣魚餌

吳王終是護花旛豈有恩深轉仇報眾嫁怨名憎玉貌

漢家亦遣王昭君幾見單于係頸到恨不相從入甬東

被人賺浮湖海中他日無疆楚師死是誰妖惑嬖六宮

最不甘是物名取西施舌又西施乳還要刻畫齊無鹽

唐突紛紛受輕侮明月灣前水有聲明月灣在太湖山西南吳王嘗觀月

於此如何嗚咽訴不平越不沼吳吳自沼頌國傾城王自

傾

聽松濤館詩鈔卷

鴻泥集下

李

胥門二首

狐卑身將搏雉雉信之啄其尾尾旣摧猿鶴逐鳥啄卵
麋遊臺甬東人會不哀不須哀前潮去後潮來大夫種
安在哉

水仙歌小海唱白馬停駕銀浪浪中魚可作羹食籠稻
無鏹烹侑以簫彈以劍燦火飛怒如電越兵來目尙見
絳巾蒙見無面

楓橋

在蘇州府城西七里

未曾天曉曉烏啼船泊楓橋水漲隄百八鐘聲休到耳
適纔歸夢大江西

梁鴻墓

在蘇州府城西四里

不爲章句厭浮辭西出潼關作五噫眼底高賢惟廿四

三十四

聽松齋館詩鈔卷四

鴻泥集下

李九

買瑩何故傍要離

木蘭堂

在府治

笠澤湖中陸丈人題詩堂壁詫羣賓長年杞菊供杯案
那得木蘭現化身

京口漫興三首

吹落楊花撲釣磯江風怒吼駭妃豨南徐襟帶連天塹
北府城關護帝畿燈火連檣瓜步漕兵戈籌策蒜山旗
藏經積弩今何在過影虛空一鷺飛

細雨輕煙畫六朝丹陽王氣鑿沉銷繡毬山色花如染
鐵甕城根草半燒割據英雄鴉奪柳興衰旦夕鹿迷蕉
江湖風月誰爲主亘古詩人丁卯橋

信步城南僻巷經飯鐘茶鼓出禪扃獨從興國描鷹壁
得見華陽瘞鶴銘樓捲海聲趨北固井斟泉味品中洽
南朝四百煙中寺猶自風搖殿角鈴

過揚子江

侵晨天滃沉山霧飯後顛風當斷渡舟師倚膽掀帆開
我亦拚身作孤注拔碗飛駛箭離弦岸隨潮轉勢奔赴
大鰲壓浪屯泥沙維我船頭銜尾附相竿橫飛白浪跳
老魚掀舞瘦蛟怒金焦兩點微蛻青眩轉低昂煙隔住
近寺午鐘鳴絳霄一柱中流疑鐵鑄撮土附疣名石排
凭窗指點景純墓景純底事埋煙波身後著龜無準數
信知生死終由天螻蟻烏鳶各有處何必齷齪魚腹愁
想荷鍤埋伯倫誤我命貧賤輕江湖瞿塘象馬險會遇
矧此周環渺一杯醯雞河伯敢相怖中流擊楫且高歌
驚起灘前拍雙鷺抵岸止須半帆風眼中歷歷維揚樹
龍驤無限哨帆來迴視我舟佛杯渡

金山

罡風遙挾小方壺吹墮吳江一角孤天塹遠標銅界柱
水靈生鑄鐵浮圖坡仙已去誰留帶梁國從前此執桴
我比題詩張處士驚濤蘸筆落聲巖

弔古

黃天蕩裏鼓聲揚老鶴河開扼建康我士使船如使馬
相公擒敵要擒王中樞異議慙巾幗末路閑居指箭瘡

酒榼奚奴三兩輩西風驢背鬢絲涼

寄題文選樓

帝子樓居採緝精蕭梁文物數昭明六臣箋註標宗旨
七代搜羅掇衆英妙理天開詩聖界前身人附選哥名
塵史宋景文生時其母夢人遺文選一部因小字選哥湘東枉積書千卷老子戎
衣愧伯兄

弔昭明太子

不獨鑽研選理精便居監撫亦慈明寄情山水捐聲伎
屬筆文章愛老成孺泣母喪離閣寢天年家難脫臺城
九原應悔談三寶索蜜愁聽荷荷聲

饗社湖夜月

紅舷烏榜宿青蘆浸骨寒光饗社湖不用沙孺求老蚌
波心一顆大秦珠

露筋祠

么麼貪喙甘人肉飽重櫻桃亞紅腹黃昏趁劫聲如雷
豈避豪強欺貞淑高郵女子長途來雨濕天昏難抵郭
水草沮洳毒蘊生蔽天薨飛聚豹腳斜批玉腕守宮紅
抵死不就耕廬宿漲暈凝斑痲痛高擱血搔痕爪甲禿
空拳拒格如陷圍利吻穿肌甚飛鏃毒嘍團攻膚碎糜
腥風膏野汁淋漓皮囊臭腐何足云毅魄貞魂天地肅
荒祠古樹鴉昏啼大澤寒燈鬼夜哭豈知越女嬌芙蓉
碧紗如煙罩雪玉夢回一嘔羅扇驅侍婢燃蕭滅銀燭

羽孽祇欺辛苦人終宵枕席煩緣撲

淮陰釣臺

一飯尙思酬漂母金印懸腰肯恩負助豨不過仍封王
陰謀矧出舍人口漢家菹醢爲酬庸何論功人與功狗
赤松從遊早見幾淮陰竟死婦人手早知除敵終就烹
何不漁竿傲煙柳

淮浦曉發

鐸聲遙過語郎當馬敵殘其僕飭裝茅店籠燈催落月
戍樓鳴角警清霜簾帷閉置如新婦枕襍顛搖便睡王
合眼曹騰殘夢續又驚肱篋要周防

河間弔公孫瓚

聽松濤館詩鈔卷四

鴻泥集下

十一

燕南趙北大如礪通海臨河戰守地積粟屯兵樓櫓高
丸泥自封堪避世當日百計欺劉虞睨旁偏有袁本初
螳臂捕蟬黃雀飽鮑邱一敗何窮孤鼓角喧鳴梯衝舞
鐵門牢扁不出戶敵師已入三重營白馬西山難斷阻
伯珪起事原英雄視定中原唾手功指麾自狃烏桓役
誰非健者豈惟公

北道曉行

刮凍曉風騎一星雲罽露黃塵滾滾來人面如泥塑
酒旗茅店外粥鼓草庵中兒女無生計隨車拾馬通

